

四庫全書

史部

欽定四庫全書

史部
欽定大清一統志卷一百
至二

中書_臣張經田覆勘

總校官檢討_臣何思鈞

欽定四庫全書

欽定大清一統志卷一百

平陽府

名宦 賈逵

襄陵人漢末為絳邑長郭援攻河東所經城邑皆下逵堅守不拔乃召單于并

軍急攻之城將潰絳父老與援要不害逵既潰援欲使逵為將以兵劫之逵不動左右引逵使叩頭逵叱之曰安有國家長吏為賊叩頭援怒將斬之絳吏民乘城呼曰勿要殺我賢君有俱死已耳左右義逵多三國魏呂虔伍城人魏武使將家兵守為請乃免三國魏呂虔湖陸時襄陵校尉杜松部民灵母作亂命虔代松虔誘灵母渠率及同惡數十人賜酒食伏壯士其側察灵母等醉盡格殺之

撫其餘衆

晉劉毅

東萊掖人魏末僑居平陽太守杜恕請為功曹沙汰郡吏百餘

人三魏稱馬為之語曰但聞劉功曹不聞杜府君

李重

江夏鍾武人惠帝時為平陽太守崇

德化修學校表篤行拔賢能清簡無欲正身率下在職三年彈黜四縣

李矩

本郡人元帝時

領平陽太守時饑疫相仍矩盡心撫恤百姓賴之會長安羣盜東下所在多擄掠矩遣部將擊破之

盡得賊所掠婦女千餘人諸將以為非矩所部欲遂留之矩曰俱是國家臣妾焉有彼此乃一時遣

之南北朝魏穆亮

代人孝文時為征南大將軍領護西戎校尉仇池鎮將宕昌王

梁彌機死子彌博立為吐谷渾所逼來奔仇池亮以彌博兇悖氏羌所棄機兄子彌承戎人歸樂表

請納之孝文從焉於是擊走吐谷渾立彌承而還氏豪楊卜自延興以來從軍二十一戰前鎮將抑

而不聞亮表為廣業太
守豪右咸服境內大安

吳平仁

孝文時定陽令有恩信戶增數倍吏

民懷之刺史務羅
為之請留從之

房謨

河南洛陽人以晉州刺史攝南汾州事先時境接西

魏土人多受其害為之防守至是鎮將及都督守令前後降附者三百餘人謨撫接殷勤人樂為用

西魏懼乃增置城戍慕義者自相糾合
擊破之自是龍門以北西魏戍皆平

寇儁

上谷人孝

昌中為鹽池都將仍主簿永安初華州人史底與司徒楊椿訟田長吏以椿勢貴皆言椿直欲以田

給椿儁曰史底窮人楊則橫奪其地若欲損不足以給有餘未敢聞命遂以地還史底孝莊帝後知

之嘉儁守正不撓拜司
馬其附椿者咸責焉

北齊封子繪

渤海蓀人魏孝靜初為平

陽太守晉州北界霍山千里徑山坂高峻每大軍往來士馬勞苦子繪請於舊徑東谷別開一路從

欽定四庫全書

卷一百

一百

之仍令子繪領汾晉二州夫修治旬日而就神劉武親總六軍路經新道嘉其省便賜穀二百斛

豐

普樂人為南汾州刺史與諸將征討平定寇亂

周梁士彥

安定烏氏人從武帝拔晉

州除刺史帝還齊後主親攻圍之樓堞皆盡短兵相接士彥慷慨謂將士曰死在今日吾為爾先於

是勇烈齊奮呼聲動地無不一當百齊師少却乃今妻妾及軍人子女晝夜修城三日而就武帝六

軍亦至齊師圍解

隋周搖

河南洛陽人周武帝時拜晉州總管時文帝為定州總管文獻

后自京師詣之路經晉州搖主禮甚薄既而白后曰公廨甚富於財限於法不敢輒費又王臣無得

効私其質直如此帝以其奉法每嘉之

唐崔翳

清河人曲沃令永徽元年引古堆水溉田

百餘頃劉齊賢

魏州觀城人高宗朝由侍御史出為晉州司馬帝以其方直尊憚之時將

軍史興宗從獵苑中言晉州出佳
鷄可捕取帝曰齊賢豈捕鷄人耶
陶善鼎高宗時

汾令治百金泊
張懷器武城人
引翔高泉開會陰道以便

汲者行者又闢荒田
五百餘頃邑人愛之
蕭至忠沂州人
中宗時為李

愬洮州臨潭人
憲宗時為晉州刺史
治有名

佐討劉稹逗留以雄為晉絳
行營諸軍副使助彥

震雄臨財廉每朝廷賜予輒置軍門自取一匹
餘悉分士伍由是衆感發無不奮武宗喜曰今將

帥義而勇罕有雄比
王式其先太原人家揚州大

者就拜行營節度使
歷中為晉州刺史飭郵

勞器用畢給會河曲大歎民流徙他州不納獨式
勞恤之活數千人時特峨胡亦饑將入掠汾滄聞

式嚴備不敢道境報其種落曰五代梁徐懷玉

州

焦夷人太祖時為晉州刺史晉數唐張仲溫

長興初為

翼城令縣舊治在翔高山下風氣雖厚而險隘不足仲溫為察原隰泉流之宜移至王逢寨迄今尚

仍其地周楊廷璋

真定人世宗時以為建雄軍節度使在鎮數年頗有惠愛前後率兵

入太原境拔仁義高壁等砦并人棄沁州二百里退保新城廷璋遂置保安興同白壁等十餘砦顯

德六年率所部入河東界下保砦十三宋初吏民請闕請立碑頌功德太祖命盧多遜撰文賜之

李謙溥

并州孟人世宗時為晉州兵馬都監以偏師入河東境頗致克捷

宋荆罕

儒

冀州信都人建隆初為晉州兵馬鈐轄嘗領千餘騎抵汾州城下焚其草市退次京上原劉鈞

遣大將郝貴超領餘眾襲罕儒罕儒錦袍裹甲據
胡床享士方割羊臂騰以啖上馬揮兵徑犯敵鋒

手殺十數人遇害劉鈞素聞罕儒勇欲生致
之聞其死求殺罕儒者戮之太祖痛惜不已
崔遵

度 淄州淄川人太平興國中為臨汾主簿饋芻粟
三抵綏州涉無定河沙水混流陷溺相繼遵度

憫之著銘以紀端拱初轉運副使夏侯
濤上其勤狀各對便坐擢著作佐郎
陳希古 禧

中以祕書著作郎知翼城事有文
學多所振刷百度修舉風俗一變
李及之 濮州人知晉州

吏事精明劉舒 皇祐中任鄉寧令縣治頻河數遭
居官稱職 水患舒改遷今治自是民有寧宇

文彥博 汾州介休人仁宗時知翼城縣事有惠
政後人思之稱其所建河亭曰潞公軒
扈

周卿 大名入嘉祐中為襄陵令視事
終日無倦色未半載刑清訟簡
劉恕 筠州人英宗時

為和川令發強摘伏一時能吏自以為不及郡守
得罪被劾屬吏皆連坐下獄怨恤其妻子如已骨

肉
李周馮翊人洪洞令民有世絕而官錄其產者
其俗晚得遺券周取以還之郡吏咎周周

賦曰利民所以利國也縣南有澗支流溢入歲
蓄捷調徒過之周始築新堤民不告病
時彥

開封人哲宗時為晉州守減職田
所入什七八佃戶始脫苛歛之苦
李察開封人
朝奉郎知

翼城縣事政平訟簡不喜鉤距
時察訪民間疾苦民皆頌之
金張浩遼陽渤海
人天眷中

為平陽尹平陽多盜臨汾男子夜掠人婦浩捕得
榜殺之盜遂衰息近郊有淫祠郡人頗事之廟祝

田主爭香火之利累年不決浩撤其祠屋投其
像於水中強宗黥吏屏跡莫敢犯郡中大治
劉

徽柔大興安次人遷洪洞令明敏善聽斷縣人楊
遠者投牒於縣以為夜雨屋壞壓其姪死號

許哀切徽柔熟視而笑曰汝利姪財而殺之乃誣
雨耶叱付獄其人立伏曰公神明也不敢延死遂
寘於法秩滿縣人遮留不得去
者彌日為立生祠刻石頌德
尹先是張浩治平陽有惠政及伯雄
為尹百姓稱之曰前有張後有楊
人遷和川令申明法禁羣小屏息或走入他縣避
之有董祐者最强悍畏服禪仁以刀斷指誓終身
不復犯法凡租賦與百姓前為
期不事敵朴率比他邑先辦
兼攝隰州蒲縣積贖盈案
晏立判百餘事眾皆畏服
縣事時多盜賊鼎多方勦捕之集
其渠魁餘黨悉解散邑賴以安
平陽府兼河東南路兵馬都總管就拜宣撫使元
兵掠霍吉隰三州已而合步騎六萬圍平陽急攻

楊伯雄

真定藁城人為平陽

丁暉仁

大興宛平

李晏

高平人皇統間授岳陽令

孫九鼎

定襄人以尚書員外郎知翼城

胥鼎

繁峙人嘉祐二年知

者十餘日鼎遣兵屢却之招還脅從人七千有奇
續至者又六千餘俱令復業拜樞密副使擢尚書
左丞行省於平陽累有陳請無不從者鼎通達
吏事有度量為政靜鎮無貲不肖皆得其歡心

李

革

河津人宣宗興定元年知平陽府事擢參知政
事平陽被圍軍不滿六千裨將出降元兵入左

右請突圍出革歎曰吾不能保此城
何面目見天子乃自殺贈尚書左丞

完顏從坦

宗室

子權元帥左監軍行元帥府事與參知政事李革
同守平陽元兵至平陽提控郭用戰於城北濠塢

被執不屈死城陷從坦
自殺贈武昌軍節度使

任厚禮

興定中任吉州同
知元兵陷城厚禮

與其妻
墜崖死

元李守賢

太寧義州人知平陽府事兼本
路兵馬都總管太宗南伐取道

平陽見田野不治以問守賢對曰民貧窘乏耕具
詔給牛萬頭仍從闕中生口墾地河東後平陽當

移粟萬石輸雲中守賢奏以百
姓疲弊不任輓載帝嘉納之
李伯温守賢從兄
行平陽元

帥府事鎮青龍堡平陽已陷弟守忠被執選驍勇
拒守金人盡銳來攻李成開水門導敵入伯温登

堞樓謂左右曰吾兄弟受方面之寄當以死報國
弟已被執我不可再辱拔劍殺家屬投井中以刃

植柱剗心而死金人登樓見
伯温抱柱如生無不嗟嘆
李守正守賢弟為平
陽守活俘酋

甚衆以功授榮祿大夫河東南路兵馬都元帥金
完顏哈達攻平陽守正先以救隰州中矢傷足及

是襄瘡戰歿大帥以其兄守忠代之
完顏哈達舊作完顏合達今改
李守忠亦守
賢弟

為河東南路兵馬都元帥兼知平陽府事金襲擊
招討使伊昭爾於洪洞師潰入城城陷金人執守

忠至汴誘降守忠罵之語惡金人怒置守忠鐵籠
中火炙死
按舊以伯温為守賢從兄守正守忠為

欽定四庫全書

欽定四庫全書
卷一百

六

守賢弟乃從元史守賢本傳若忠義傳伯溫世
系誤叙不可從 伊照爾舊作按扎兒今改 鄭

鼎

澤州陽城人至元三年遷平陽路總管歲旱鼎
下車而雨平陽地狹人眾常乏食鼎導汾水溉

民田千餘頃開潞河鵬黃嶺道以來上黨之粟
修學校厲風俗建橫澗古橋以便行旅民德之 王

憚

衛州汲縣人至元中為平陽路總管府判官初
太平縣有獄蔓引三百餘人五年不決渾一訊

即得其實乃盡出所逮繫 揚宜 翼城人任本縣令
者時境內久旱是夕大雨 為政廉明不任刑

蜀南川水灌田甚廣民爭訟不已宜斷理明允遂
為定例縣東有炭窰歲久患圯歷宜相地別開民

甚便之凡三十 王元禮 至正初尹襄陵扶植善良
餘年無病民事 推抑姦惡興學校於征戰

之餘有古 郝信臣 至順間任太 明徐鐸 南昌人洪
循吏風 平尹有惠政 武初以戶

部侍郎改知平陽府疏濬水利改建
臨汾縣學他所建置皆有益於民
李諒 濰縣人
洪武初

知翼城縣修建壇壝廟學移縣治以遠水
患除姦宄安良善遇事必以公正持之
徐彪 商
河

人洪武末臨汾縣丞存心廉恕復流離闕荒蕪均
徭後簡詞訟政有成效陞本府同知官民信服境

內肅
袁景 甘泉人洪武間太平主簿有清操貧能
自守隆冬單衣理事有小吏夜持緼袍

遺之辭弗受至旦諭眾
痛懲之自是姦頑斂跡
劉濬 臨川人永樂初知臨

簡吏民
萬觀 南昌人宣德中知平陽府政績茂異
不敢欺
有芝生堯祠棟上士民皆言使君德

化所致觀曰太守知奉
職而已芝非吾事也
王彧 開州人正統六年知

廣溉民田其民田濱河為水沙衝
從者或悉為核免其賦民皆賴之
張文在 西平人
成化間

欽定四庫全書

欽定大清一統志

卷一百

七

知平陽府行朱子社倉法築學宮遠聘耆儒主師席為政五載獄無繫囚

張鼎

歷城人成化十

二年知襄陵縣縣俗故偷葬鼎至力革之以從厚在任十六年以廉恪顯

李咨

故城人成化間

知襄陵縣嘗置二碑書民善惡於其上示勸懲民皆恥於為惡歲祲出粟煮糜以食饑者多所全活

劉機

咸寧人成化十九年知曲沃縣每歲巡行阡陌教民播種勸之栽桑棗各三百株民有罪

令入棗贖積數萬斛歲饑賑粟不給發粟繼之民不病災

郭桂

咸寧人正德中知平陽府課耕

桑導禮義盜賊衰息藩府各輯其下不敢梗法

浦鉉

文登人正德十三年知洪洞縣潔己愛民

振興文教嘗改佛殿為學宮規制宏敞以治行徵拜御史

單訥

襄強人嘉靖四十二年知翼城

縣性介而勤庭無留牘丞以帑金羨餘餽叱而却之會疾革邑人參議劉志賻以木償其值及卒士

民流涕

張一敬

朝城人隆慶間知鄉寧縣精明強毅均役清田為一時循吏冠

李枝

咸寧人萬歷初知鄉寧縣均賦役賑貧乏築城濬河具有成績

李時茂

乾州人萬歷中知鄉

寧縣馭吏嚴明政事修舉善斷獄鄉民爭訟者咸願得時茂決之

何出光

扶溝人萬歷十

一年知曲沃縣城南有澮水瀕河地舊為砂磧出光導民引水溉田民獲其利歲大稔發倉賑貸設

醫局以療民疾全活甚眾

毛炯

任邱人萬歷中知汾西縣政尚清簡絕私謁又教民織絰隙地

督植桑棗由是衣食漸饒

袁葵

東明人崇禎中知洪洞縣歲饑請蠲租出見棄兒於道命收哺

後皆以袁為氏

李乘雲

高陽人崇禎中知浮山縣流賊數萬來寇乘雲手發一矢斃其魁眾

遂遁累遷

山西僉事

本朝侯世爵

奉天人順治七年知鄉寧縣姜瓖黨衛敏破城據之焚掠甚慘世爵簡厲士卒

能躬自督率誓不與賊並立賊懼委城世爵招撫

流亡慰安反側閱二年民始更生及解去百姓攀

轅流 **趙昉** 武城人順治丙戌進士知翼城縣慈惠

弟 **趙昉** 有才畧時山東邪教倡亂昉密請兵勦

之殲其渠 **徐來麟** 奉天人順治中知平陽府姜瓖

魁城獲全 **徐來麟** 叛遣其黨平德攻平陽來麟捍

禦獲全延安王老虎應賊渡河拔汾州復攻平陽

來麟與巡撫王無黨叅將范永宗固守間出擊之

擒其將劉光明城攻益急會大兵至解圍 **何斯美**

走來麟斬賊首劉四亨於峪口中村敗之 **何斯美**

鎮番衛人順治間舉人知翼城縣姜瓖叛翼被兵

尤數斯美與弟斯盛督鄉勇禦之六年七月賊數

萬猝至圍城九日夜斯美力拒戰翼城卒完遷開

封府同知弟斯盛亦有戰功後以勦賊歿於陣翼

人建兩祠祀之又翼城典史之子王國寧亦與斯
盛同戰死時同死事者鎮標營都司管班禮贈遊

擊沂鎮營遊擊劉懋德

安應麟

奉天人順治中知
浮山縣姜瓖餘孽

贈叅將俱祀忠烈祠

踞縣東南令千總秦文英者老張三鳳入賊巢諭
之降八百餘人悉遣歸農請豁荒糧數千石修縣

治之為

許占魁

蒲城人順治中任平陽副將盜張
武等踞山中時肆劫為害占魁受

事伴不問分兵布隘口一日大雪率精騎二百徑

入山賊衆皆竄伏遂縛武而散其餘黨擢都督僉

事

蔣鳴龍

浙江建德人康熙中知汾西縣相度汾
濱濟棗平舊渠又築一堤於前加樓村

濬三渠於福珠衛家灘後圍栢村田不苦旱
又革民養馬協費建馬廠驛舍胥得治體

袁國

梓

華亭人順治乙丑進士康熙中知平陽府早起
即據堂治文書端嚴若神至日晁不懈事至片

言裁之卷中要害

王槐

一 章德人康熙間舉人知浮山縣舊輸丁糧者十

年例一辦公務費踰正額商人高鹽價且和以沙土民多坐私鹽論罪槐一恣禁止之訐訟令自拘

立剖曲直胥役終歲不出縣門三署隣邑皆若能聲

王承露

益都人康熙甲辰進士知臨汾

縣見上官輒抗論是非不少屈舊正供外多浮取於民承露悉裁去之

石文晟

奉天人康熙

熙中知平陽府時歲饑方有造船運米役上官又令民輸草三十五萬束於大同文晟請就近收買

罷之又言賑饑者粥止便少壯能就食者老病婦孺且坐斃請散賑官親歷山僻按戶給之全活無

算王輔

奉天人康熙中知平陽府平陽地震火數起官署民舍多燬堵豪乘間剽掠悉擒

真重典民始復安死者給以棺不足以蓆又不足則為大冢數十別男女埋之又榜招他郡邑人能

占籍曠地胥為永業聞者爭集戶口不大耗云

人物漢靳彊

其先西河人後徙曲沃以郎中騎從漢高祖擊項羽遷中尉破鍾離昧封汾陽

侯

鄧都

河東揚人以郎事孝文帝孝景時都為中郎將敢直諫面折大臣於朝拜濟南太守

都為人公廉問遺無所受請奇無所聽嘗自稱曰已倍親而仕身固當奉職死節官下終不顧妻子矣遷中尉行法不避貴戚拜雁門太守白

衛青

字

奴惠之寶太后乃竟中都以危法斬之
卿平陽人為仁善退讓奉法遵職由建章監侍中累官車騎將軍封長平侯拜大將軍為大司馬凡七出擊匈奴斬捕首虜五萬餘級一與單于戰收河南地遂置朔方郡再益封凡萬六千三百戶元封五年霍去病衛青姊子年十八為侍中善騎卒謚烈侯射為嫖姚校尉封冠軍侯遷驃

騎將軍為大司馬凡六出擊匈奴斬捕首虜十一萬餘級及渾邪王以衆降數萬遂開河西酒泉之地西方益少胡寇四益封凡萬七千七百戶去病為人少言不泄有氣敢任上嘗欲教之孫吳兵法對曰顧方畧何如耳不至學古兵法天子為治第令視之對曰匈奴未滅何以家為上益愛重之卒諡景霍光字子孟去病異母弟武帝時為奉車都桓侯霍光尉出入禁闥二十餘年小心謹慎未嘗有過後元二年為大司馬大將軍受遺詔輔少主封博陵侯政事一決於光訖十三年百姓充實四夷賓服昭帝崩立昌邑王賀以淫亂廢復迎立宣帝光秉政前後二十年地節二年薨諡曰宣成甘露中上思股肱之美圖尹翁歸字子凡河東平陽形麒麟閣光居第一人為市吏諸霍奴客莫敢犯田延年為河東太守行縣至平陽翁歸自稱文武兼備唯所施設除補卒吏延年大重之

徙署督郵舉廉為緹氏尉歷弘農都尉徵拜東海太守以高第八守右扶風滿歲為真扶風大治翁歸為政雖任刑其在公卿之間清潔自守溫良謙退不以行能驕人甚得名譽於朝廷元康四年卒家無餘財詔賜翁歸子黃金百斤以奉祭祀翁歸三子皆為郡守少子岑歷位九卿至後將軍三

國魏賈逵

字梁道河東襄陵人漢末為絳邑長後舉茂才除澠池令領宏農太守免為丞

相主簿魏武伐蜀先遣逵至斜谷觀形勢道逢水衡載囚人數十車逵以軍事急輒窮竟重者一人皆放其餘魏武善之拜諫議大夫魏武殂洛陽鄢陵侯彰從長安來赴問逵先王璽綬所在逵正色曰太子在鄴國有儲副先王璽綬非君侯所宜問也文帝即王位遷魏郡太守豫州刺史黃初中以伐吳功封陽里亭侯明帝立復陳攻取之計帝善之薨諡曰肅侯逵少好春秋左傳通兵法忠直有

謀為刺史守令威

徐晃

字公明河東揚人為郎史從楊奉討賊有功拜騎都

尉李惟郭汜亂長安晃說奉令與天子還洛陽封都亭侯後歸魏拜裨將軍戰功最多遷平寇將軍

破樊襄陽之圍太祖稱其功踰孫武穰苴及接行諸營晃將士獨駐陳不動太祖歎曰徐將軍可謂

有周亞夫之風矣文帝踐祚累封陽平侯性儉約畏慎將軍常遠斥堠先為不可勝然後戰追奔爭

利士不暇食太和元年卒諡曰壯侯

晉韋忠

字子節平陽人年十二喪父哀慕毀悴杖而後

起服闋尚廬墓所司空張華辟之辭疾不起太守陳楚迫為功曹會山羌破郡楚出戰賊射之中三

創忠冒刃伏楚以身捍之亦遭五矢賊相謂曰義士也舍之忠負楚歸後仕劉聰為鎮西大將軍討

叛羌矢盡不屈而死

李矩

字世迴平陽人勇毅多權畧為征西將軍梁王彤牙門伐氐齊萬年

有殊功封東明亭侯其後破石勒於滎陽破劉聰
從弟暢於韓王故壘破劉聰太子粲於孟津北岸
莫不以少擊衆戰勝獲多勒遂挫衄聰更憤恚發
病而死元帝深嘉其功累官都督司州諸軍事司
州刺史安西將軍累封平陽縣侯矩乃心王室以
衆少不足立功每慷慨歎卒為石勒將石良所
敗率衆南歸賈模字思範達之孫沈深有智算起
至晉陽縣卒揚駿封平陽鄉侯尋擢侍中模盡忠匡弼推張華
裴頠同心輔政數年之中朝野寧靜模之力也卒
諡曰鄧攸字伯道平陽襄陵人祖殷亮直強正官
成沒於石勒諸胡散之石勒過泗水攸擔其兒及其
弟子綏以逃度不能兩全乃棄其子而去至江東
為太子中庶子出為吳郡守廉明得百姓心累遷
尚書左僕射每有進退無喜愠之色攸棄子之後

竟無嗣時人義而哀之日
南北朝北齊敬顯儁

孝字

英平陽秦平人少英俠有節操仕魏為羽林監神
武臨晉州與語悅之啓為別駕及義舉以為行臺

倉部郎中從攻鄴又從平西胡與諸將征討累有
功又從破周文敗侯景平壽春定淮南又畧地三

江口多築城戍累
唐柴紹

字嗣昌晉州臨汾人隋
太子千牛備身高祖妻

以平陽公主將起兵授右領軍大都督府長史領
毅騎先抵霍邑城下力戰有功從下臨汾絳郡遂

平京師高祖即位累從征討以功多進封霍國公
遷右驍衛大將軍吐谷渾黨項寇邊大敗之貞觀

二年平梁師都轉左衛大將軍出為華州
刺史加鎮軍大將軍從譙國卒謚曰襄

尹知章

絳州翼城人明六經長安中擢定王府文學累遷
國子博士馬懷素緒定秘書奏知章是正文字於

易老莊書尤縣解弟子貧者賙給之秉性和厚人
不見有喜愠未嘗問產業卒官所注傳頗多行於

時
五代晉桑維翰

字國僑舉進士及第晉高祖辟
為河陽節度使書記其後嘗以

自從求援於遼滅唐興晉皆維翰力也高祖既立
以為翰林學士累遷中書侍郎同中書門下平章
事兼樞密使出帝即位景延廣用事與遼絕盟未
幾拜維翰中書令復為樞密使封魏國公事無巨
細一以委之數月之間百度寔理後以讒罷為開
封尹維翰遂稱疾稀復朝見遼攻京師張彥澤以
兵入府維翰厲聲曰吾晉大臣自當死國安得無
禮彥澤股栗不敢仰視退使人縊殺之按本傳
河南人而墓及故宅並在今浮山縣東北夾榆村
故從舊志載之蓋或遷於河南而返葬神山也

宋孫復

字明復晉州平陽人舉進士不第退居泰
山學春秋著尊王發微十二篇范仲淹富

弼言復有經術除秘書省校書郎國子監直講累遷殿中丞卒復既病韓琦言於仁宗選書吏給紙

筆命其門人祖無擇就復家得書郭純洪洞人治平中進士

十五萬言錄藏秘閣特官其一子郭純平中進士官至宣德郎長於史學甯智曲沃人舉鄉貢進士

溫公稱其有遷固才甯智精通五經教授晉絳元祐中上問樞密副使王巖叟曰從誰學對

曰從河東甯先生其德行學問一時重之許孝字光祖曲沃人嗜讀書嘗棲晉賢山屏絕聲色

足不至城郭仕彭州九龍縣尉兼主簿事時李文吉劫彭州官吏盡避考恭獨率公

徒拒之卒擒文吉官至虞部員外郎史緒字仲昌徽宗時為左清道帥府副遷驍衛將軍世明法律

為人莊嚴明恕雖家人相對無惰容居官決讞持平卒贈武李居仁曲沃人少孤事母至孝授徒以衛大將軍

養母歿手築墳高四丈餘時名

其巷曰孝母名其族曰墳臺李氏

金馮延登

字子俊吉州吉鄉人承安二年登詞賦進

士第至大七年以國子祭酒假翰林學士承旨使于元被留使招鳳翔帥降對曰臣奉書請和招降豈使職諭之再三執義不回乃叱左右以刀截去其鬚延登岸然不動監之豐州二年後放還哀宗撫慰久之復以為祭酒歷禮吏二部侍郎權刑部尚書元兵圍汴京為騎兵所得欲擁而北行延登義不受辱遂躍入城旁井中死之

楊貞

字正甫吉州人明昌中舉進士仕至河東南路招撫

吉隰便宜經畧使相度險要築牛心寨以禦元兵子克義戰歿元兵攻之急命其子克敬克讓俱死

妻孟氏自經乃南望再拜焚其廬自投

鄭時昌

字仲

河中後尸浮水上門人為之收葬焉

康洪洞人性孝友八歲通易大定間對策第一世

宗命典樞要辭不受就汾州教授行河汾之傳理

明學大元許國禎

字進之曲沃人博通經史尤精醫術世祖在潛邸國禎以醫徵能直

諫後從征雲南叅預機密世祖圍鄂州獲宋人數百族諸將欲盡坑之國禎請誅其兇暴者餘皆獲免及師還招降民數十萬口罷饑顛仆國禎自發蔡州軍儲糧賑之全活甚衆至元十二年為禮部尚書嘗上疏言慎財賦禁服色明法律嚴武備設諫官均衛兵建學校立朝儀事多施行凡所薦引皆知名士終翰林集賢大學士許宸字君黼國禎子從學士謚忠憲追封藟國公父事世祖於潛邸世祖俾從許衡學入備宿衛忠慎小心除禮部尚書每外國使至必命與之語辭理名辨莫不傾服與丞相安同善國政多所裨益累遷陝西行省右丞有惠于民民畫像祀之仁宗時國有大政詔近侍即其家問之特授榮祿大夫司徒卒追封趙國公謚僖簡安同舊作安童今改

傅巖起

汾西人由進士任陝省都事凡二十三遷至中書左丞皆著聲績以上疏忤權貴罷歸屢徵不起卒

諡正獻封

郭狗狗

翼城人父寧成大良平全家被俘將殺太尉陷大良平全家被俘將殺

寧狗狗年五歲曰勿殺我父當救我史問得其年曰五歲兒能為是言吾當全汝家以騎送寧等往

合州道遇國兵騎驚散寧家

張著

字仲明襄陵人至元初舉詞賦

俱得還御史以事聞命旌之

既而嘆曰士當以遠大自期遂沈潛伊洛之學調

潞城簿以親老西歸至元中薦授平陽路教授成

就後進晉人以文

喬彞

字仲常晉寧人性高介有守至正十八年賊由垣曲

縣襲晉寧城陷城中死者十二三彞整衣冠令妻

子單循次投井中而已隨赴之賊平贈臨汾尹賜

諡純

屈繼平

字正卿翼城人七歲而孤性敏強記至元間中鄉舉以程朱之學誘進學

潔

者翼城人知有程
朱之學自繼平始
張翥 字仲舉晉寧人通經義工
詩至正初以隱逸起為國

子助教會修遼金宋三史為國史院編修官史成
累遷翰林侍講學士兼祭酒勤於誘掖學者樂親

炙之俄除學士承旨博洛特穆爾入京師命翥草
詔削奪洪霍特穆爾官爵翥不從曰吾臂可斷筆

不能操也及博洛特穆爾誅詔以翥為河南行省
平章政事致仕 博洛特穆爾舊作孛羅帖木兒

洪霍特穆爾舊作孛
廟帖木兒今並改
胡光遠 太平人母喪廬墓一
夕夢母欲食魚晨起

號天求魚見生魚五尾列墓前俱有嚙痕隣里聚
觀有獺出草中去衆知是獺所獻以狀聞於官表

其
李謙亨 曲沃人英宗時以儒士辟歷內臺侍御
史時建西山寺謙亨與御史四人上疏

極諫帝怒決杖文面安置納哩罕後思其忠鯁召
還授浙東海右二道廉訪使封隴西郡侯諡忠肅

納哩罕禧作
如兒干今改
李忠
晉寧人幼孤事母至孝大德
七年地震卽堡山移民廬推

歷將近忠家分為二行五
十餘步復合忠家獨完
靳曷
字克昌曲沃人兄
榮為奎章閣承制

學士奉母王氏官於朝母歿喪還家至平定大雷
雨水驟至曷伏柩上榮呼之避水曷不忍舍去遂

為水所沒後得柩及曷
屍詔賜孝子靳曷碑
孫抑
字希武洪洞人登進
士第仕至刑部郎中

闕保之變挈父母妻子避兵平陽栢樹村有亂兵
至村拔白刃脅抑母求財將斫之抑以身蔽母請

代受斫母乃得釋抑父被掠不知所之
抑出入死地求之屢瀕危殆卒得父歸
馮愈
吉州人父

敬夫病篤籲天割股肉調藥
以進父遂愈至正間旌表
明崔敏
字好學襄陵
人生十四日

其父仕元為綿竹尹不相識者三十年敏依母兄
以居寇亂又相失稍定入陝尋母不得卽入川抵

綿竹時城邑蕭然求父冢無知者復還陝訪親
故得其處乃啟攢負其骸以歸時稱崔孝子 仇

敬

字中立曲沃人少與郝修己同棲業金山篤學
礪行洪武初舉鄉試第一登進士授綏德知州

遷鞏昌知府皆有治績以憂歸卒於苦

郝修己

沃

人洪武九年舉明經第一授戶科給事中敢諫改

朝城知縣居官廉謹任滿偕其妻負囊步歸朝廷

聞而嘉之擢刑部郎中賜紫金山一

暴昭

浮山人
洪武中

舉進士授大理司務太祖器之擢刑部右侍郎歷

左都御史刑部尚書建文初充北平採訪使具得

燕王不法事及燕兵起設北平布政司於真

韓永

定命昭掌之燕王入京被執不屈大罵死

浮山人建文時戶科給事中壬午六 王錫 翼城人
月北兵克都城名永欲官之不屈死 永樂舉

人授鄆縣教諭擢戶科給事中彈劾不避權貴
累官右通政忠誠廉慎人不忍欺上深愛之

劉

元貞

翼城人父卒廬墓三年哀毀骨立有羣鳥飛
繞異草叢生瓜蒂開蓮之異事聞宣德中旌

表

續鳳

臨汾諸生父歿既葬晝往哭奠夜歸奉母
母年八十一卒廬墓三年白鷺來集枯木

復生正統

衛英

字時獻洪洞人景泰舉人除鳳翔
通判宏治初為開封知府不以妻

中旌表

子自隨所得俸寄之於庫以河南叅政致仕累薦
不起父母歿俱廬墓巡撫韓邦奇建忠孝廉節坊

旌之韓文

字貫道洪洞人宋宰相琦後生時父夢紫
衣人抱送文彥博至其家故名之曰文成

化初進士除工科給事中劾都御史王越語涉兩
宮帝怒杖之文華殿謫叅議宏治中歷南京兵部
尚書歲祲請預給軍餉三月戶部難之文曰救荒
如救災能忍死待耶乃發廩十六萬石名拜戶部

尚書力遏權倖武宗立舊奄馬永成劉瑾等八人用事文偕諸大臣伏闕極諫明日召至左順門文復力爭竟不得未幾落職指為奸黨榜諸朝堂瑾誅復官致仕卒贈太傅諡忠定

陳孜

字敏

學淳山人父福有膂力善劍聞英廟北狩誓死難至大同北門與額森戰斬賊甚眾會大暑七日不解甲勞憊而卒攻成化進士初授慈谿知縣累官貴州左布政使致仕所至有異政尤尚廉潔每於庭前懸楊震却金圖杜觀問者額森舊作也先今改

王泰

字道亨翼城人成化進士歷知

儀封衡水二縣陞南京刑部主事遷負外郎劉瑾

用事索賂泰曰以賄獲官吾不為也遂乞歸瑾誅

復起用累官山東

按察使以清慎稱

李浩

字師孟曲沃人成化進士授都水主事累遷兵部員

外郎清畿內土田奪豪右侵占者還之民歷順天府尹時久旱疏論民所疾苦事當罷行者詔嘉納

之劉瑾擅政無名需求浩一切裁抑數與面議可
否不阿瑾傾其過無所得官至禮部尚書卒賜祭

葬諡

張潤

字汝霖臨汾人宏治進士正德時為給
事中劉瑾誅劾其餘黨罷黜者十二人

瑾嘗增遼東諸衛屯田糧額以潤言復故厯撫順

天寧夏皆有聲嘉靖中為工部尚書時工役繁興

奏西苑仁壽宮及內樓六聖碑亭乞暫停罷帝採

納焉後以戶部尚書致仕卒贈太子太保諡恭肅

李大經

臨汾人親喪廬墓正德
中旌表子承芳亦如之

劉憲

靈石諸生幼
孤正德中負

母避賊賊追及之曰寧殺我母害吾母遂得免

後憲為他賊所殺賊焚民居獨憲居隨熱隨滅丁

汝謙

字子益吉州人正德甲戌進士授太常寺博
士擢禮科給事中世宗初議興獻禮許旨謫

曲周丞遷永平推官終四川

王與齡

字受甫鄉寧
人嘉靖中進

安綿道所至皆有廉能聲

士除蘇州府推官治訟端平累遷文選司郎中澄清銓叔進所推薦皆廉靜老成大學士翟鑾嚴嵩有所囑皆不從遂被陷削籍歸徵不起隆慶初追贈太常寺少卿

王凜

鄉寧人家貧性至孝

父病久思得肉食凜謀之婦剪髮易之道經龍神廟致禱夢神語曰此去十里杏樹下有泉可飲明

旦汲水飲父

鄭崇儉

字大章鄉寧人萬曆末進士除河南推官歷濟寧兵備副

使皆有政聲崇禎中累遷兵部右侍郎總督陝西三邊軍務擊流賊張獻忠先後獲賊首三千級降賊將四十人威名大震後被陷下獄誅羣臣寃之

周怡

字順之太平人嘉靖進士除順德推

官舉卓異擢吏科給事中所推擊率當時有勢力大臣在廷多側目二十二年六月以救吏部尚書許讚等刺大學士翟鑾嚴嵩廷杖繫詔獄隆慶元年擢太常少卿陳新政五事語多刺中貴由是忤

旨出為登萊兵備僉事後復召為太常少卿未任卒天啟初追諡恭節

李宏道

字汝大襄

陵人萬曆進士任南陽知縣擢兵科給事中以直言出為潁川僉事後累調監司告歸平生篤學窮理著有易補傳春秋

高邦佐

字以道襄陵人萬曆進士授壽光知縣

會傳周禮解諸書

永平知府天津兵備副使神木叅政皆有治績

天啟初任廣寧叅政殉難贈太僕寺卿諡忠節

楊

天民

字正甫太平人萬曆進士授朝城知縣有異政擢禮科給事中時方纂修國史與御史牛

應元請復建文年號從之劾文武官之貪贖及妄

奏撓者四人論罪有差尋進右給事中冊立久稽

再疏請不報二十九年五月復偕同官切諫帝

大怒謫貴州永從典史天啟中贈光祿少卿

張

鯀化

字襄海太平人天啟進士授寶雞知縣調繁蓋屋俱有善政後累官山西分守道會流寇

欽定四庫全書

欽定四庫全書
卷一百一

十一

攻城竭力戰守城得

完崇禎末殉節死

桑拱陽 字暉升臨汾人受業曹于汴大書諱字於

室以自勵崇禎中舉於鄉巡撫蔡懋德請講學於三立書院聞者感勵李自成陷平陽不食死

史

可觀

翼城人文華殿中書舍人加鴻臚少卿城陷自縊死

賜諡節愍 本朝乾隆四十一年

范芸茂

洪洞諸生有學行崇禎末避難卦地山夜半賊

執其父芸茂隨之入城賊大怒曰汝聞令否對曰借來者令當死如父老且病何請受刑賊義而釋之同縣王昌社父亦為賊所執昌

袁雅度

翼城人性至孝

闖賊陷翼執其祖母薛氏責餉雅度請代賊以刀所其臂流血如注呼曰寧死不願見祖母受刑也薛獲釋賊縛雅度械之械立壞如是者再賊驚愕舍去

本朝衛周印

字斯盛曲沃人明崇禎進士少孤事母以孝聞順治初巡按畿南撫流亡招攜

貳解散羣盜一境晏然還掌河南道歷兵部左右侍郎性簡重與人設城府而臨事不為利害惑

人或重之衛周祚字聞石周印弟明崇禎進士順治初為吏部文選司郎中銓政清肅人不

可干以私累遷工部尚書督修三殿省內府金錢數十萬散賑畿南措置有方加少保改吏部尚書

保和殿大學士卒諡文清周祚歷官四十餘年再入政府田廬無改以清簡慎密受知始終弗替子

台瑞知福建漳州府有威惠調臺灣教以禮義番俗一變終兩廣鹽運使上官鉉字三翼

城人明崇禎進士順治初官中書舍人累遷大理寺少卿多所平反歷左副都御史疏數十上尋以

劾滇廣閩三藩跋扈狀左遷太常卿後三藩皆以謀逆誅人稱其有先識兄鑑字金之順治進士潞

安府教授歷吏部郎尋以嘉湖僉事

擢河南分守叅議所在清肅有善政

曹續祖字子成鄉

寧人順治甲午舉人性至孝以養母終身不仕母

歿居喪悉遵家禮儀節年八十猶莊誦宋六子書

不少輟著書

王牧民浮山人順治初以貢授平湖

凡數十種

被執不翼城人順治初知耀州尋監郟陽

屈死

劉漢卿軍遷保寧同知所在有平賊功終

肇慶知府又同縣薛鳳鳴順治初知藍

屋縣潔已愛民招降叛黨人皆德之

晉淑軾字長

眉洪洞人順治丙戌進士知中牟縣以治行最行

取兵科給事中轉工科例出知大名府時巨寇任

鳳亭築踞四省界淑軾攜一役抵巢招撫之鳳亭

感泣聽命奏授副將五臺寇高三聞之亦就撫焉

累遷通

政使卒

樊疑

字允疑臨汾人捐介負氣節從學辛

復元之門順治初知藍屋縣崇教化

抑奔競一意休養上官以為迂以事罷之民爭
餽千金一無所受及歸貧不能舉火泊如也 王

永命

字九如臨汾人順治戊子舉人知遷安縣以
興學校絕苞苴勸農事為務邑人稱之擢行

人病歸永命事父母孝居喪寢苦枕

張冕

曲沃諸生多謀

塊者三年以孝子旌著有懷堂等集

李天植

曲沃人未生時父
客於外不通問者

再竭力守禦城得全

十餘年既長與母訣誓不得父不歸徒步求之三

十載至廣東高要縣境則父死久柩三易其處矣

乃函骨以歸葬又臨汾李斌生六月父歿揚州既

長泣請於母往尋之至揚不得蹤跡號泣街衢忽

遇父執聶姓者示以

蔣宏道

字扶三臨汾人順治
已亥進士選庶吉士

授檢討累遷至禮部右侍郎凡遇諸大典禮多所

諸悉尋調戶部侍郎陞左都御史康熙三十四年

平陽地震

特詔平陽所屬之人現官京師者給假歸視其家宏道至

鄉里即大集父老子弟宣布朝廷德意詢民疾苦然後抵家更捐資助卹又日與當事周視城垣經營修理後以日疾解職四十二年卒

賜祭葬具如典禮焉

晉淑京

洪洞人以

歲貢授孟縣訓導未任請老淑京七歲喪父數日

母亦循卒叔承宿撫字之既長留心理學行誼醇

備執叔之喪哀慕盡禮尤

王師

臨汾人少以孝聞母患目疾甚苦師

屢以舌舐之遂得復明又嘗中蜈蚣毒負痛不起

師吮之立愈雍正庚戌成進士初知元城縣累擢

至江蘇巡撫居官以清介自持尤多善政吏

陳鳳

民咸感之乾隆十六年卒於官入祀鄉賢

中 吉州人孝行純摯父病顛天求以身代及歿

哀毀踰禮三年不離柩側乾隆二年 旌表 雒

潤臨汾人性孝友七歲喪父哀毀如成人鄉黨稱重之嘗延師以教族里之子弟其貧不自給及

無力嫁娶者益賑濟之任定襄縣訓導督課有方以敦品力學為首務乾隆四十一年奉

旨入祀鄉

賢祠 崔賽招

臨汾人孝義著稱乾隆間 旌表又 洪洞監生景洪彥儒童楊宏鉞監生

岳湧鄉寧縣貢生楊維藩原任訓導鄭振聲閏祝 曲沃縣樊翔鳳並以孝義有聲于乾隆年間 旌表

流寓晉庾珉

潁川鄆陵人歷官侍中懷帝沒劉淵珉 從在平陽淵大會使帝行酒珉不勝悲

憤載拜上酒因大號哭賊惡 辛勉 龐西狄道人懷 之並遇害太元末追謚曰貞 帝侍中隨帝至

平陽劉聰將署為光祿大夫固辭不受聰遣喬度 賚藥酒逼之勉曰大丈夫豈以數年之命而虧高

節事二姓引藥將飲度遽止之曰真義士也歎息而去聰嘉其貞節為築室於平陽西山月致酒米

勉亦辭不受

辛賓

勉族弟愍帝時為尚書郎及帝蒙塵於平陽劉聰使帝行酒洗

年八十卒

壽賓起抱帝大哭聰曰前殺庾珉輩不足為戒耶引出加害焉

唐員半千

齊州全節人

州通書史客晉州州舉童

李拯

字昌時隴西人咸通中進士累佐府

幕黃巢亂避地平陽後為考功郎中知制誥時襄

王愠之難拯嘗退朝望南山而吟吟已涕下襄王

敗拯為亂兵所殺

金曹之謙

應州人興定中進士寓平陽三十載講明

道學遠近

元張從諫

浙江寧波人官學士元亡遂遠遁佯狂乞於翼市後以詩

多來從遊

贈學諭學諭憫其寒命諸生遺之以布從諫曰何相輕如此古之却衣而斃者何人哉遂索詩而反

其布

列女晉柳氏

賈充母重節義竟不知充與成濟事以濟不忠數遣罵之及將亡充問所欲言

柳曰吾教汝迎李新婦尚不肯安問他事遂無言

唐平陽公主

高祖第三女下嫁臨

汾柴紹紹從高祖走并州主於鄆發家資招南山亡命得數百人以應帝因畧地蓋屋武功始平皆下之申法誓眾禁剽奪遠近咸附勒兵七萬威震關中號娘子軍武德六年薨以軍功特加鼓吹以葬

金張慥妻馮氏

名妙真刑部尚書延登之女年十八適進士張慥慥為洛州主

簿會鄜州受兵守臣撤慥往平涼督行軍芻粟妙真奉舅姑居洛川城陷扶舅姑匿窟室中為亂兵所得即與舅姑訣

趙烈女

臨汾人年二十未嫁寇亂被掠度不能免紹賊

曰吾取所藏金以遺汝遂還投井死

元周珠赫妻崔氏

臨汾人從周珠赫官平陽

金將攻城克之令官屬妻子敢匿者死時周珠赫使在上黨崔氏抱幼子貞詭言於將將使軍吏書其臂出之崔氏曰婦人臂使人執而書非禮也以金賂吏使懸筆書袖既出與貞伏土窖三日得免已而周珠赫亡崔年二十九誓不更嫁有權貴求要輒旬爬毀其面四十年未嘗妄言笑治家教子有法人比古烈婦云

周刁茂先妻劉氏

臨汾人嫁五十

日夫卒哀號過情遂自縊人救之泣曰婦人從一而終何救為竟不食而死事聞旌表其門

秦

閨夫妻柴氏

晉寧人賊犯晉寧閨夫前妻子陷賊中既而得脫有惡少嘗滅仇家仇訴

於官軍事連閨夫長子法當誅柴氏引己子詣官泣訴曰從惡者吾次子非長子也次子亦引為己

罪鞫之幾死不易其言官反疑次子非柴所出既得其情義之遂釋其長子而次子亦得不死詔旌

之且復

宋仲榮妻梁氏

翼城人舅歿負土為墳

明張晟妻李

其家

氏

臨汾人晟元末為乾州學正卒於官時闕中兵起道梗不能還子文瑗甫九歲李紡績度日兵

稍息遂與子負骸骨歸葬

李洪妻張氏

曲沃人洪早卒遺孤

守節終身永樂初旌表

金方七月張撫之誓不再適母欲奪其志不從遂絕粒死事聞旌表

常俊俊

曲沃人常銘女

未字正德六年為流寇所掠投井死

衛好艾

太平人年十三惡少牽衣戲之怒罵投井死屍

出目不瞑眦裂出血

周承通母王氏

曲沃人崇禎初流寇入境

巡按御史表其墓

王匿山洞中洞破被掠王怒拉郭九仞妻張氏
賊同墜千尺崖下死之賊亦死

人崇禎中賊至被獲欲犯之張齊鳴舉妻張氏浮

誘以善言防稍懈即投崖而死山

人崇禎中為賊所掠迫之俱去時張方有重服絀

賊曰我既行宜易吉服以從賊意弛遂乘間投井

死又齊國才妻葛氏亦被執與張相繼死節俱旌表孟鳴陽母王氏岳陽人

一夫亡鳴陽纔三歲守節紡績以養崇禎五年為

流寇所掠大罵不屈死同時范志科妻王氏范志

大妻周氏俱為賊所獲投崖下王死周未死復自縊於樹常鴻洙繼妻楊氏翼

人嫁未三載夫亡無子楊矢志守節崇禎五年流

寇亂被掠罵不絕聲賊怒腰斬之旁賊憐其節瘞

之而去張黑子妻賀氏襄陵人年三十清白自守流

韓居觀妻鄭氏洪洞人崇禎末闖賊陷都城居觀

偕鄭及二子出遁道經定興匿稠

桑下賊奄至鄭謂居觀曰我不死君父子必不免
遂縊桑中年二十二又趙國士妻范氏年十九夫

亡二子皆幼甘貧守節闕

賊至范恐辱身投井死

李伸妻吉氏

洪洞人崇禎末闖賊

犯太原時伸為守備吉勸之力戰且勗以殉難及

城陷脫釵自刺其頸不死尋抱幼女投井中寇去

具斂面

高榮妻師氏

鄉寧人年二十夫亡誓不再適夫弟欲奪其志遂抱石投

潭水

成烈女

鄉寧人成大化女年十六未字避亂山中為賊所執欲污之女好言始賊

賊釋手即

曹宏績妻賀氏

吉州人崇禎末隨父母避兵山寨流寇攻之急

女恐為賊玷遂呼母與訣投

范蘭香

岳陽人范星鼎之妹年十

崖死之母張氏亦撞壁死

四有姿色遭流寇亂

吳中房妻衛氏

曲沃人崇禎末流寇至衛

登樓以避聞羣賊縛其夫肆毒瀆聲罵賊倒墜樓下死羣賊為之咋舌事聞旌表又李柵妻秦氏夫

為賊掠去疾投百尺崖下絕而復甦眇目折足終身殘廢劉聲宏妻陳氏翼城人年

二十守節撫孤經亂被掠投河死劉廷瓚妻梁氏襄陵人僑寓江

都乙酉城陷攜舉火自焚

本朝平陽烈婦

未詳姓氏姜瓖之亂被掠屢逼辱瀕死不從行至定州唐城村清水河側

書絕命詞於廟壁自縊而死州牧為棺殮致祭葬之廟後勒詞於石云梁邦泰妻關

氏太平人夫客外姜瓖之變關被執絙賊至井邊遙呼夫名曰吾不辱君也遂投井而死許

炳妻李氏

曲沃人姜瓖之亂避山堡間堡破呼子婦李氏投崖下身死子婦殘廢又梁永

建妻仇氏李振采妻尉氏李鯤龍妻解氏曲沃人

李登璽妻馬氏俱投崖死寇至被

執大呼躍入井又趙應春妻李曲沃

氏郭明儒妻行氏俱投井死趙國昌妻褚氏

人避寇汾曲小堡堡破執之上馬不從賊怒斫死

己而復甦扶面折股終身殘毀又呂雲樞妻許氏

郭可盛妻趙氏翼城人姜瓖之亂賊

俱以罵賊遇害王綉妻耿氏縛綉將刃之耿挺身

前曰願留夫養姑妾請代之賊釋綉扶耿行過井

旁墮馬遽投入賊急挽之仆地不起賊怒手刃之

又張一貫妻孫氏夫以姜瓖亂被殺賊挽孫去孫

堅抱一樹罵不絕口賊斷其手足支裂之月餘樹

為之枯劉佐妻丁氏吉州人訓導劉玉書媳劉佐妻

謀戕其主伺佐出持劍逐玉書丁見鄉寧

之奔奪其劍受重傷幾斃翁賴以免史烈女

史良奇女字張星元之子婿為虎傷女欲往弔父

母弗許將別議婚女曰我張婦也欲自盡防之父
母進食于姑女久不至
急趨視則已縊死矣
李烈女 鄉寧人李固生女
字同邑某生已納

聘有狂生館于李窺女瑞淑注意構讎語激
其夫夫請解盟女聞自縊狂生竟發疾死
張應

奇妻陳氏 岳陽人早寡歷兵荒
節彌厲壽百餘歲卒
許應鳳妻賈氏 襄陵

人貧家婦也鬻女晚歸遇隣人衛升于道逼之賈
聖不從疾呼救衛斷其喉而死康熙中 旌表

楊名譽妻裴氏 臨汾人年十八適名譽僦居傭食
翁探姑洪洞高裴於室有李先真

踰垣下裴大聲嚴拒先真扼其吭而死又同縣喬
五滿妻郭氏與族人賴哇比居五滿出賴哇逼之

不從以鎌刀所殺之
張姦妾賈氏 浮山人少敏慧
俱康熙中 旌表 能讀論語列女

傳事夫及嫡甚謹年十八在病篤以年少令別嫁賈請身殉在微西之賈曰主疑我乎請先死以明

志遂自縊而

王興娥

太平人年十四縊父於田路遇惡少逼之不從被殺投井

在病轉瘳

中出屍鏹痕徧體兩

趙雲峰妻呂氏

曲沃人夫病死設二棺夫

手握中衣通邑義之

殉隣人勸之且曰死必累我呂投牒於縣祈無累隣縣令止之亦不應死之日會姻婭奠其夫衆賓

紛錯呂乘間縊於室時帽工曹應志

張永賢妻張

妻王氏其死事畧同邑人稱為雙烈

氏

曲沃人夫業鑛煤宿山中或職其獨處夜入室張大呼其人遁張語其隣哭達旦夫歸囑跡其

人入井死越四月始殮顏色如生又喬國恩妻劉

氏夫出有惡少踰垣入劉厲聲大罵惡少怒投剪

刃刺

石崖烈婦

翼城人農家女失其姓氏夫商於外婦與姑處安定兵變至其家悅

欽定四庫全書

卷一百

婦色欲亂之不從賊刃姑以脅之婦始曰汝葬我

姑當相從賊為購棺葬已婦墜石崖死賊愕然嘆

息而去

鄉寧人早歲夫亡守節終身

去

節著乾隆二年

先後

旌表又同縣宋瑤如妻韓氏呂宏周妻李氏與可

義妻王氏劉芳譽妻王氏亢律時妻李氏亢時晉

張氏劉三搜妻薛氏郭振邦妻陳氏安瑄妻范氏

徐廣先妻丁氏張會昌妻郭氏王毓琳妻李氏郭

鶴齡妻張氏張復恭妻賈氏郭照妻喬氏貢生范

士溫妻王氏盧鳳翔妻張氏李天增

妻張氏俱夫亡守節先後

旌表

劉繹祖妻劉

氏 襄陵人夫亡守節乾

晉承賓妻左氏

洪洞人承

賓沒氏朝

夕哭泣以孤子淑京託叔撫養遂不食死同縣林氏有惡少欲污之不從被殺又孝婦張氏節婦張莘妻段氏楊宏鉞妻許氏牛樞妻李氏劉子房妻宋氏薛居思妻張氏楊紹祖妻劉氏趙祥妻邢氏孔繼先妻李氏喬子相妻王氏趙珮妻孔氏晉履懌妻王氏任大繼妻段氏任得民妻李氏范永祉繼妻張氏范翰妻李氏韓雲燦妻晉氏邢文煥妻楊氏齊顧業妻許氏李植繼妻董氏柳栽崑妻李氏任養性妻王氏楊五善妻張氏趙慶長妻高氏陳循妻梁氏范宗濂妻王氏王樞妻李氏劉世標妻韓氏王永慶妻岳氏史國文妻許氏陰篤恭妻常氏賈登順妻閻氏王希濂妻曹氏劉永清妻張氏王士麟妻韓氏杜舒紀妻李氏曹玫妻商氏劉上美妻李氏景洪慶妻呂氏柳朋蘭妻張氏景智妻董氏晉蒙妻趙氏俱

乾隆元年以來

旌表

喬履昌妻葛氏

浮山人夫
亡殉節乾

隆十三年 旌表又同縣侯傅妻張氏齊頡妻張

氏張大績妻崔氏張嗣茂妻許氏侯秉學妻高氏

張皇猷妻霍氏栢長壽妻張氏賈作桓妻孟氏趙

廷臣妻李氏楊淙妻衛氏張攬妻喬氏齊姜受妻

楊氏孟壽全妻段氏王文經妻唐氏張勺妻高氏

張鴻舉妻章氏楊越檟妻程氏張丕猷妻馬氏楊

起林妻張氏衛澧妻邢氏 陳泰妻原氏 太平人夫

俱以守節先後 旌表 亡守節又

同縣王乾妻張氏劉鴻鼻妻魯氏丁立 張廷懷妻

業妻趙氏俱以節聞乾隆年間 旌表

段氏 岳陽人過強暴逼辱不從自刎乾隆六年

旌表又曲沃縣秦誓欽妻郭氏王為憲妻屈

氏行世法妻王氏衛協妻李氏翟居讓妻孫氏吉

奠墓妻李氏董元興妻柴氏董思誠妻彭氏常日

通妻王氏張致中妻董氏吉孔陽妻張氏周克寬

繼妻賈氏柴桐繼妻褚氏李雲妻張氏鄭鵬飛妻

崔氏周經妻楊氏翼城縣常瑄妻薛氏張瑤妻安
氏張仙枝妻劉氏薛彭齡妻孔氏祁興旺妻呂氏
常銓鎮妻張氏宋宗聖妾戴氏李行修繼妻郭氏
汾西縣薛忻妻遠氏侯定命妻王氏孟桐妻金氏
俱以守節先 **李偉妻盧氏** 鄉寧人夫亡守節又同
後 旌表 邑陳爾域妻王氏成自
振妻楊氏俱以守節 **樊明妻李氏** 吉州人不為強
於乾隆年間 旌表 暴所奪羞忿自

盡乾隆年間
旌表

仙釋漢河上公

姓名不傳結茅庵於河上賣藥因稱
河上公文帝慕其人往見之忽駕茅

庵騰西而去後隱八寶山中註老子
道德經帝再求見遂以註授之

唐韓仙君

洪洞人龍

朔元年在蜀村山中煉丹丹成化
為白鶴飛去今丹竈遺址尚存

曇璩

襄陵人姓
王父成母

皇甫氏無子禱于佛寺而生長禮鳳翔妙覺禪師
寶應元年至襄陵崇山二兔引徑入遂於山巔起

浮圖戒行精嚴龍神聽講每亢旱祈雨立應廣
德二年表聞代宗賜寺額曰普救號慈濟大師孫

思邈 京兆華原人嘗寄跡 景成先生 清奇契道隱
居臨汾姑射

洞功成升翥遺 五代唐洪崖子 神山人名居敬年
既至今猶存 四十辭家入山訪

道遇山神引見景成子得姑射洞居焉能變化出
入神異明宗名對稱旨賜爵不受歸假葬衣冠脫

然而 宋張伯端 天台人一名用成字平叔嘗訪馬
去 處厚於河東授以所著悟真篇三

卷曰平生所學盡在是矣願公流布此書當有因
文而會意者元豐五年夏尸解去今翼城紫陽宮

其修煉地也 王道源 太平人善易學南渡時避金
號紫陽真人 兵隱於西山之麓淳熙五年

遇異人杖履而化後人即其金法敷從妙空大師

地為清康洞歲早禱雨輒應十年盡師之

道得金剛經妙音天會六年住平陽天寧萬壽

寺演說金剛妙經晚歲更不出戶闕端坐而逝無

名老人襄陵農家子姓陶母賈氏夢青衣童捧金

因娠十三月而生性沈靜寡欲隨丹陽馬祖師過

關服勤三年馬曰汝自修行去於是隨方乞化七

年體輕步健一日讀太上西昇經有省謂同行曰

我今還鄉去也遂整衣逝年八十六平生所製詩

皆仙

臨汾人母武氏夢神人食以桃已有

事

皇甫靖

娠而生稍長有方外志後謁劉真人

示以神用觸石如入虛將空如履地變化莫知紀

極政和八年走三寶山籙壇前得三洞真篇暨法

衣一襲而歸曰吾夙王予可字南雲吉州人年三

志酬笑數日而逝斗大病後忽發狂能

欽定大清一統志

三

揮筆作詩文及說世外恍惚事南渡後居上蔡落
魄嗜酒每入城市人爭以酒食遺夜宿土室中人
問其故其應如響其所引書皆世所無有人與之
紙落筆數百言或詩或文多六經中語及韻學古
文奇字壬辰兵亂為順天將領軍所得館于州之
瑞雲觀予可言于將領曰我不能往君家觀也越
三日病卒後有元智揖曲沃人至元初住絳州寂
照院戒律精嚴皈依者甚
見之於淮上者衆嘗杜門不出人或過於里巷咸異
之壽八十一茶毘得舍利數百粒鄴希誠襄陵
縣萬
聖觀道士旬金季道士劉得仁以苦節危行五傳
而至希誠居燕城天寶宮見知憲宗始名其教曰
真大道授希誠太廓希誠三傳弟子也事
元真人頌教事張志清親至孝尤耐辛苦制行堅
峻嘗居東海珠牟山虎皆避徙後居臨汾地大震
城郭廬屋推壓死者不可勝計獨志清所居裂為

二無少損焉乃徧巡木石間聽呻吟聲救活者甚衆朝廷重其名命掌教事授演教大宗師凝神沖

妙元應

雄辨師

洪洞人姓范名洪源至元間出家追報父母以掌為爐燃香十炷并

真人

酒踟躕其上水溢成河指而唱之波為減退門徒受教者不勝數後至正定卧化得舍利百十餘粒

皮裘先生

洪洞人修真玉峯山冬夏服一皮裘雲遊金陵巨室有太湖石募之墜井歸玉

峰淘井得前石有病者拔裘

景素陽

襄陵人師事梁古賓居阜

毛與之輒愈後不知所往

山道院元季兵亂獨侍師不去兵至將殺古賓素陽曰師老矣願以身代兵即回刃斫之刃忽折為

三皆驚異

明張三丰

平陽人有仙骨修髯如戰膚羅拜而去如冰雪路逢美姝自稱麻姑

教以服四味龍芽後遊武當山登祝融峯嚼梅花滿口朗誦南華秋水篇觀潮上日出大叫曰雲海

蓋我心胸明太祖咨以時務曰惟本忠
孝後成祖遣胡濙物色之終莫能得
定山 太平

姓彭名滿出家雲遊洪武十二年在
盧溝橋坐化七竅火出自焚其身
圓鏡 臨汾人

經密旨嘗遊隰州妙樓山石室寺至北門瓦窰坂
鑿洞構庵龕坐其中齋徒眾曰明日午時當歸次

日沐浴焚香
說偈而化

本朝成真智

岳陽人幼為道士順治中年八十餘語
其弟子曰三月朔吾當化豫造龕具至

期泥丸裂
瞑目而逝

土產鐵

出臨汾洪洞汾西靈石鄉寧吉州等處漢書
地理志平陽有鐵官唐書地理志晉州岳陽

絳州翼
城有鐵礬
出郡境唐書地理志晉州有平陽
院礬官又寰宇記慈州賦綠礬 石炭

出郡境明統志霍州臨汾洪洞浮山
越城岳陽翼城靈石等縣俱出石炭
蘇布出曲沃

志晉州蠟燭各縣俱出唐書地
賦蘇布理志晉州土貢
葡萄酒出郡境寰宇

藥出郡境寰宇記晉州
貢紅豆紫草紫參各縣俱出
棗理志絳州曲沃

有銅今久不開採至郡境產棗甚
廣頗資民食今據郡邑各志補入
布志慈州賦蘇

布
石灰出吉州
白蜜元和志
慈州貢
瓷器出吉州
漆吉州出
按唐書地

理志慈州貢蠟燭
今未聞附識於此

欽定大清一統志卷一百


十 十
卩 卩

卩 卩 卩

卩

卩

蒲州府圖





合
ツ
バ
ノ
ノ
ミ



蒲州府表

	縣 濟 永	府 州 蒲		
	蒲反縣 <small>屬河東郡 後漢曰蒲 反</small>		兩漢	河東郡地
	蒲坂縣		三國魏	河東郡地
	蒲坂縣 <small>州郡治</small>		晉	河東郡 <small>永和十年 符秦於蒲 坂置秦州 咸安初改 雍州大元 二十一年 又改秦州 統秦置并 冀二州蓋 熙十三年 來歸置并 州河東郡</small>
	蒲坂縣		後魏	秦州河東郡 <small>神廢元年 改置雍州 延和元年 又改秦州 天和初復 置</small>
	蒲坂縣		齊周	蒲州河東郡 <small>周明帝二 年改置蒲 州</small>
	河東縣 <small>開皇十六 年置大業 初省蒲坂 縣入為郡 治</small>		隋	河東郡 <small>開皇初郡 廢大業初 州廢復為 郡</small>
永樂縣	河東縣 <small>河東郡治</small>		唐	河中府 <small>武德三年 復為蒲州 開元八年 改河中府 置冀中郡 其年罷郡 屬河東道</small>
永樂縣	河東縣		五代	河中府
熙寧六年 省入河東	河東縣		宋	河中府 <small>康郡 改屬永興 路</small>
	河東縣		金	河中府 <small>天會六年 併為蒲州 天德元年 復曰河中 府屬河東 南路</small>
	河東縣		元	河中府 <small>屬魯米路</small>
	洪武二年 省入蒲州		明	蒲州 <small>洪武二年 復曰蒲州 屬平陽府</small>

縣河榮	縣泉萬	縣氏
汾陰縣 屬河東郡	汾陰縣地	猗氏縣 屬河東郡
汾陰縣		猗氏縣
入蒲坂 剝淵時有 汾陰縣		猗氏縣
復置其郡 治	北鄉郡	猗氏縣 大和十一 年置爲北 鄉郡西魏 改曰赤龍
汾陰縣 郡治	汾陰郡 周武帝改 置	仍爲河東 郡 周明帝復 曰猗氏屬 汾陰郡
汾陰縣	開皇初郡 廢置 廢置	
寶鼎縣 開元九年 屬河中府	武德元年 改曰秦州 二年移治 龍門	萬泉縣 屬河中府
寶鼎縣		萬泉縣
大中祥符 四年改名 榮河縣	大中祥符 四年建慶 成軍熙寧 元年廢	萬泉縣
州治 榮河縣	置 貞祐三年	萬泉縣 貞祐三年 改爲榮州
仍屬河中 府	省	萬泉縣 至元三年 省入解州 十五年復 置仍屬河 中府
仍屬蒲州		萬泉縣 屬蒲州
榮河縣		屬蒲州

欽定四庫全書

十年改名

屬河內府

欽定四庫全書

欽定大清一統志卷一百一

蒲州府

在山西省治西南一千一百里東西距一百四十里南北距二百三十里東至解州界七十五里西至陝西同州府朝邑縣界五里南至陝西潼關廳界

六十里北至絳州河津縣界一百六十里東至南解州芮城縣界一百十五里西南至潼關廳界七十里東北至絳州稷山縣界一百二十里西北至陝西同州府韓

城縣界一百二十里自府

治至京師二千二百里

分野天文皆參分野實沈之次

建置沿革禹貢冀州之域春秋屬晉戰國屬魏秦為

河東郡地漢魏因之晉永和十年苻秦始置秦州

咸安元年改雍州太元二十一年姚秦改置并冀
二州義熙十三年還屬晉置并州及河東郡俱治
蒲坂縣元熙元年陷於赫連勃勃後魏神麩元年
改置雍州延和元年又改秦州太和中州罷東魏
天平初復置後周明帝二年改置蒲州隋開皇初
郡廢大業三年州廢復置河東郡治河東縣唐武
德元年於桑泉縣改置蒲州二年置總管府三年
移州來治九年府罷開元八年改為河中府兼置

中都是年罷都復為州天寶元年改為河東郡乾

元元年復為蒲州三年復曰河東府置節度使屬

河東道

唐書方鎮表至德元載置河中防禦守捉蒲闕使二載升為河中節度兼蒲闕防禦

使乾元元年兼河中尹耀德軍使廣德二年廢河中節度置河中五州都團練觀察使興元元年復

置河中節度使貞元十五年罷河中節度置河中防禦觀察使十六年復置河中節度使元和十四

年罷河中節度置河中防禦觀察使十五年復置河中節度使按舊唐書地理志上元二年復置

中都元和三年復為河中府而李吉甫元和郡縣志及新唐書地理志皆不載光啟元年

曰護國軍節度五代因之宋仍曰河中府河東郡

護國軍節度屬永興路金天會六年降為蒲州天
德元年升為河中府仍護國軍節度大定五年置
陝西元帥府屬河東南路元仍為河中府屬晉寧
路明洪武二年復曰蒲州省河東縣入焉屬平陽
府

本國因之屬山西省雍正二年升為直隸州六年升
為蒲州府領縣六

永濟縣

附郭東西距四十五里南北距一百三十
里東至臨晉縣界四十里西至陝西同州

朝邑縣界五里南至陝西潼關廳界六十里北至
臨晉縣界七十里東南至解州芮城縣界一百十
五里西南至陝西華陰縣治八十里東北至臨都
縣治七十里西北至臨晉縣界六十里古虞舜都
戰國魏蒲坂邑漢置蒲反縣後漢曰蒲坂屬河東
郡三國魏及晉末為河東郡治後魏後周皆因之
隋開皇初屬蒲州十六年析置河東縣大業初省
蒲坂入河東仍為河東郡至唐武德元年罷郡屬
蒲州三年為蒲州治開元八年為河中府治五代
及宋金元皆因之明洪武二年省入蒲州 本朝
雍正六年復置縣曰 **臨晉縣** 在府東北七十里東
永濟為蒲州府治 西距五十五里南北
距七十里東至猗氏縣界二十里西至陝西同州府
郃陽縣界四十里南至虞鄉縣界三十里北至榮
河縣界四十里東南至虞鄉縣治六十里西南至
永濟縣界二十里東北至萬泉縣界六十里西北

至榮河縣界三十里春秋晉解梁邑漢置解縣屬河東郡後漢魏晉因之後魏太和十一年改曰北解縣後周省隋開皇十六年改置桑泉縣屬蒲州大業初屬河東郡唐武德元年於縣置蒲州三年移州治河東以縣屬之天寶十三載更曰臨晉屬河中府五代宋金元皆因之明屬蒲州本朝雍

正六年屬蒲州府

虞鄉縣

在府東六十里東西距五十里南北距七十五里東至解州界

二十里西至永濟縣界二十五里南至解州芮城縣界三十里北至臨晉縣界四十五里東南至解州界三十五里西南至永濟縣界三十五里東北至猗氏縣界四十五里西北至臨晉縣界四十里漢解縣地後魏太和十一年分置南解縣屬河東郡後周武成二年廢南解別置絃化縣保定元年改曰虞鄉仍屬河東郡隋大業九年徙廢唐武德元年復改置虞鄉縣屬蒲州開元九年屬河中府

五代宋金因之元至元三年省
本朝雍正八年復置屬蒲州府

猗氏縣

在府東北一百十里

東西距四十里南北距六十里東至解州安邑縣界二十里西至臨晉縣界二十里南至解州界三

十里北至萬泉縣界三十里東南至安邑縣界三十里西南至臨晉縣界四十里東北至萬泉縣界

五十里西北至臨晉縣界二十里本周郇國春秋晉郇瑕氏之地漢置猗氏縣屬河東郡後漢魏晉

因之後魏太和十一年分置北猗氏縣屬北鄉郡西魏恭帝二年改為桑泉後周明帝復曰猗氏屬

汾陰郡隋屬河東郡唐屬河中府五代宋金元因之明屬蒲州本朝雍正六年屬蒲州府

萬

泉縣

在府東北一百六十里東西距八十里南北距五十里東至絳州稷山縣界五十里西至

榮河縣界三十里南至猗氏縣界三十里北至絳州河津縣界二十里東南至解州安邑縣界三十

欽定四庫全書

欽定大清一統志
卷一百一

里西南至臨晉縣界三十里東北至稷山縣界三十里西北至河津縣界二十五里漢汾陰縣地唐武德三年置萬泉縣屬秦州貞觀十七年屬絳州大順二年改屬河中府五代及宋因之金貞祐三年改屬榮州元至元三年省入猗氏十五年復置仍屬河中府明屬蒲州本朝雍正六年屬蒲州

府
榮河縣

在府北少東一百二十里東西距四十二里南北距八十里東至萬泉縣界四十

里西至陝西同州府韓城縣界二里南至臨晉縣界三十五里北至絳州河津縣界五十里東南至臨晉縣治六十里西南至陝西同州府朝邑縣界百二十里東北至絳州河津縣界七十里西北至韓城縣治三十里戰國魏汾陰邑漢置汾陰縣屬河東郡後漢魏晉因之劉淵時省入蒲坂後魏太和十一年復置兼置北鄉郡後周武帝改置汾陰郡隋開皇三年郡廢屬蒲州大業三年仍屬河東

郡義寧元年復置汾陰郡唐武德元年改郡曰秦州二年移州治龍門以縣屬之貞觀十七年州廢屬蒲州開元九年屬河中府十年改曰寶鼎五代因之宋大中祥符四年改曰滎河置慶成軍熙寧元年軍廢縣屬河中府金貞祐三年於縣置滎州元初州廢仍屬河中府明屬蒲州本朝雍正六年屬蒲州府

形勢黃河北來太華南倚總水陸之形勝鬱關河之

氣色

唐元載建
中都議

全晉列藩三河外屏條山峙其左紫

淵居其右前瞻巨嶽却望隆睢

宋王欽若
廣孝泉記

西阻大

河東倚太行潼關在其南龍門在其北

舊蒲
州志

風俗土地沃少瘠多以是傷于儉嗇其俗剛強亦風

氣然

隋書地理志

魏晉以降文學盛興閭里之間習於

程法

馬瑞臨文獻通考

民性質樸好節儉力田績紡尤事

商賈

舊蒲州志

城池蒲州府城

周八里有奇門四濠廣十丈金正大中築明洪武四年增築 本朝康熙

元年

重修臨晉縣城

周三里有奇門四濠廣一丈唐大寶中土築明隆慶中范軌 本朝

順治康熙

中重修 虞鄉縣城

周四里門四有池唐武德初土築 本朝雍正八年重修

猗氏縣城

周七里有奇門四濠廣三丈唐興元初土築明隆慶中 本朝康熙二年

重修萬泉縣城 周五里有奇門四有池元至元中築 本朝順治康熙中重修 榮河

縣城 周九里餘門四有池隋開皇時土築 明嘉靖中甃甃 本朝康熙中重修

學校蒲城府學 在府治東南舊在蒲坂故城內元初移今所 本朝順治康熙中重修入

學額數 永濟縣學 與府學同一學宮 臨晉縣學 在 十五名 入學額數二十名

治東元至元中建明成化中因舊址重修 本朝順治康熙中重修入學額數十五名 虞鄉縣

學 在縣治東 本朝雍正 猗氏縣學 在縣治東金 九年建入學額數十名 承安中建明

萬歷中重建 本朝順治康熙 萬泉縣學 在縣治東 熙中修入學額數二十名 宋至和初

建 本朝順治康熙中 榮河縣學 在縣治東南明 修入學額數十二名 洪武中因舊址

重建

本朝順治康熙

河東書院

在府城東關

中修入學額數十二名

本朝乾隆二十

六年建又永濟縣永樂書院在永樂鎮乾隆七年始

建臨晉縣桑泉書院在學宮左乾隆二十七年建

猗氏縣郟陽書院在縣城北隅乾隆二十九年建

萬泉縣方山書院在縣城內乾隆二十九年建各

縣設有義學按永濟縣舊有首陽書院在縣治

西南隅元至正初建明弘治中重建又河中書院

在縣東三里栽眉嶺上明正德間以東嶽祠改建

後廢本朝康熙間知州許嗣興重修榮河縣舊

有大寧書院在縣東北明嘉靖

中建後改按察司署附記于此

戶口

原額人丁七萬四千八百七十六鹽丁五千六

百五十九又滋生人

丁四千一百零四

田賦

田地三萬一百二十四頃二十三畝二分有奇
額數銀二十八萬一千七十五兩四錢九分有

奇糧一千六百六十名七斗五升七勺有奇 屯

田三千四百八十四頃八十四畝有奇額銀一

萬九百八十八兩四錢七分有奇糧三千一百一

十三石三升七合七勺有奇 更名田一千六十

九頃五十三畝七分有奇額銀一千八百九十

八兩七錢三分有奇糧九十石九斗二升五合六

勺有奇 河灘地九頃七十七畝二分額

徵穀九十七石七斗二升七合二勺有奇

山川雷首山

在永濟縣南蕭德言括地志蒲州河東
縣雷首山一名首陽山一名歷山一名

薄山一名襄山一名蒲山一名中條山一名獨頭

山一名甘棗山一名渠猪山一名吳山此山西起

雷首東至吳坂長數百里蓋隨地異名也尚書禹

貢壺口雷首詩唐風采芩采芩首陽之巔論語伯

夷叔齊餓於首陽之下左傳趙宣子田于首山杜預注首山在河東蒲坂縣東南史記封禪書華山以西名山七曰薄山薄山者襄山也徐廣曰蒲反縣有襄山漢書地理志蒲反縣雷首山在南鄆道元水經注雷首山臨大河北去蒲坂三十里俗亦謂之堯山樂史太平寰宇記首陽山即雷首山南阜也按雷首首陽本為一山或稱雷首或稱首山或稱首陽初無一定大抵山南為陽以首陽為首山之陽者近是郭緣生述征記言華岳首陽本同一山巨靈擘之以通河流未免涉于荒誕附辨此堯山在永濟縣南漢書地理志蒲坂縣有堯山寰宇記堯山在河東縣南二十八里按縣南三十里有麻谷山疑即此水經注八盤山在永濟縣南二十里八折至頂其北五里有數峰巒立拱對郡城中高旁下俗名筆架山中條山

在永濟縣東南十五里南跨虞鄉縣界又東接解州芮城縣界自雷首山歷虞鄉芮城解州安邑夏縣至垣曲縣諸山隨地異名要皆中條也元和志雷首山一名中條山在河東縣南十五里府志以其中狹而延袤不絕故名按中條雖自有其名要不外乎禹貢之雷首或謂雷首首陽皆中條之餘支是又知中條而不知雷首胡渭云雷首之脉為中條東盡于垣曲殆得之矣

歷山 在永濟縣東南六十里後漢書郡國志蒲坂縣南二十里有歷山水經注歷山謂之歷觀舜所耕處也寰宇記三山在河東縣南三十里即舜所耕歷山曾鞏齊州二堂記史記五帝紀謂舜耕歷山漁雷澤陶河濱作什器於壽邱就時于夏鄭康成釋歷山在河東雷澤在濟陰夏衛地皇甫謐釋壽邱在魯東門之北河濱濟陰定陶西南陶邱亭是也

以予考之耕稼陶漁皆舜之初宜同時則其地不

宜相遠二家所釋雷澤河濱壽邱負夏皆在魯衛
 之間地相望則歷山不宜獨在河東也孟子謂舜
 東夷之人則歷山應在齊故其城名歷城圖記皆
 謂禹貢所稱雷首山媯水出焉而此山有九號歷
 山其一也予觀虞書及五帝紀蓋舜娶堯之二女
 乃居媯汭則耕歷山蓋不同時而地亦當異世之
 好事者乃因媯水出於當首遷就附益謂歷山為
 雷首之別號不考其實矣舊志歷山在蒲州東南
 三十里其東為神嶺兩水夾注又有虞原在歷山
 東相傳段于木隱處按漢成帝幸河汾登歷觀
 楊雄上河東賦云登歷觀而遊望分喜虞氏之所
 耕則以舜所耕之歷山為在河東蒲坂其說舊矣
 然曾鞏之論最為明晰蒲坂在永濟縣東
 之歷山未必即舜耕處也 玉簪山 南一百三十
 里相近又有貓兒九峯鳳凰等山皆中
 條之支而玉簪尤奇人比之武陵源 三嶽山 在臨

晉縣東北三十五里隋書地理志桑泉縣有三巖山寰宇記在臨晉縣東北三十里三山鼎足因名

按是山凡二南北並列土人稱為二巖明統志亦有大小巖之稱而隋志及寰宇記並稱三巖殆

不可考石錐山在虞鄉縣東亦名石錐山接解州界隋書地理志虞鄉縣有石錐山寰宇

記山在縣東二十四里司馬光通鑑梁大通二年長孫稚使其子子彥與楊侃帥騎兵自恒農北渡

據石錐壁胡三省注五朝志河東郡虞鄉縣有石錐山於此築壘壁也五老山在虞

西南一名蔥蘢山亦中條之支山海經蔥蘢之山其中多大谷是多白堊黑青黃堊元和志五老山

在永樂縣東北十三里堯升首山觀河者有五老人飛為流星入上入昴因號其山為五老山通志謂

之五老峰五峰一名靈峰即五老之南峰也雲笈七籤謂是第五十二福地唐侯道華升仙于此山

有雷公洞上洞在歸雲巖下洞在北峰又有北斗
峯峯上有北斗臺又有東西錦屏峰東南有韓君
洞又有太乙峯峯南有步虛坪又有太乙青城
玉峰蒼龍太白玉母白沙元武保德諸洞洞之
陽有垂窠巖旁有龍井禱雨輒應又有
飲鹿金龜金沙玉女諸泉俱出其麓

壇道山

在虞鄉縣

西南即古鹽道山水經注鹽道山其西則石壁千
尋東則蟠溪萬仞路出北嶽勢多懸絕於東則連
木乃陟百梯方降故亦曰百梯山隋書地理志虞
鄉縣有百梯山元和志壇道山一名百梯山在縣
西南十二里山高萬仞南有穴莫測淺深每有敕
使投金龍於此寰宇記山下有水俗謂鴛漿其項
方平如壇多產良藥舊孤山在猗氏縣南五十里
志又名方山與縣治對

孤山

在猗氏縣南五十里廣八十里接萬泉縣

界唐書地理志猗氏縣有孤山舊志南峪有鵬石
崖鵬常巢其上又有桃花洞在其南麓舊多於此

種桃金劉海蟾羽化
于此有登仙石遺迹
介山 在萬泉縣東十五里漢書地理志汾陰縣介山

在南又武帝紀太初二年夏四月詔曰朕用事介

山祭后土皆有光應又揚雄傳成帝橫大河湊汾

陰既祭行游介山師古曰介山在汾陰縣東北水

經注介山即汾山也其山特立周七十里高十餘

里山上有神廟廟側有靈泉世亦謂之子推祠晉

太康地記及地道記與永初記竝言介子推隱於

是山實非也余按介推所隱綿山也文公環而封

之為介推田號其山為介山杜預曰在西河介休

縣者是也寰宇記介

山在萬泉縣南一里 **黑石山** 在萬泉縣東南三十

里其石色青黑可

為碑 **峨嶺** 在滎河縣東二百四十步一日峨嶺

碣 坡高四里蜿蜒曲折跨永濟臨晉猗

氏萬泉四縣接絳州聞喜河津二縣界東南一峰

曰白馬廟曰師家崖山北諸坡曰寺坡曰風坡曰倉李曰長坡又北曰后土廟曰孫石崖或起或伏

聯貫如珠坡間有大溝曰百峪千佛嶺在猗氏縣南八里自聞喜

村涑水南流雲蓋峰在永濟縣東三十里中條山北壁立萬仞高出雲表寶

玉峰在永濟縣東南二十五里舊鳴條岡在猗氏志一作抱榆峯上建元武祠縣南三

十里南接絳州長原在永濟縣東括地志蒲坂在安邑夏縣界蒲州城南五里亦名長坂元

和志長原亦名蒲坂在河東縣東二里其地出龍骨寰宇記漢志始皇東巡見長坂即此又北五十

三里有朔坂即漢風陵堆在永濟縣南一名封陵水西南所經入河史記魏世家襄王十六

年秦拔我蒲坂陽晉封陵二十三年秦復予我河外及封陵為和正義云封陵在蒲州水經注潼關

之直北隔河有層阜巍然獨秀孤峙河陽世謂之風陵戴延之所謂風埶者也元和志風陵堆山在縣南五十里與澶關相對窠宇記有風陵城在其上舊志風陵坡在州南六十里風陵城在

王

官谷

在虞鄉縣東南十里中條山中石樓峪西今名其地為橫嶺峪北虞鄉峪南芮城唐書司

空圖傳圖居中條山王官谷有先人田遂隱不出作亭觀素室悉圖唐興節士文人名亭曰休休元王暉遊記中條山又東得王官谷漢故壘也有唐司空表聖之別業至今遺像在焉舊志王官谷深十里巖洞與遼泉谷幽竒有天柱掛鶴諸峰左右兩瀑飛垂岩際山水之勝甲於河東

黃河

自絳州河津縣流入滎河縣西南流經臨晉縣西又南經永濟縣西折而東入解州芮城縣界謂之河曲春秋文公十有二年晉人秦人戰於河曲杜預注在河東蒲坂縣南漢書溝洫志武帝時河東

守番係言穿渠引汾溉皮氏汾陰下引河溉汾陰
蒲坂下度可得五千頃穀從之既而河徙渠不利
久之廢水經注河水自汾陰經郡陽城東又南漢
水入焉又南逕陶城西又南逕蒲坂縣西又南逕
雷首山西又南涑水注之又東逕河北縣南又東
承樂澗水注之元和志黃河在寶鼎縣北十一里
趙簡子沈佞臣藥徵之所也又經臨晉縣西四十
里又自縣界流入河東縣又經永樂縣南二里榮
河縣志河舊在縣西五里明時漸徙而東正德二
年遂至城下去縣僅七十步蒲州志河舊在州西
蒲津門外明萬歷八年河決雷城甃石障之漸徙
而西去城十里許本朝康熙三十四年復徙而
東今去城五里按黃河由河津入榮河縣南在
縣西七十步行縣境六十里其西岸為陝之韓城
自榮河入臨晉縣河在縣西三十里行縣境四十
里其西岍為陝之郃陽自臨晉入永濟縣行縣境五

十里至府西郭外其西岸為陝之朝邑自府西行
縣境六十里轉而東行其南岸少西為潼關自潼
關又東行縣境六十里其南岸少東為河南閿鄉
凡河帶府境西北繞府西南過縣三行地二百七
十里東達
涑水 自解州安邑縣西南流入猗氏縣
于芮城 南又西南流經臨晉縣南虞鄉縣
北永濟縣西南入五姓湖又西南入黃河左傳成
公十三年晉呂相絕秦曰康公伐我涑川杜預注
涑水至蒲坂縣入河水經注涑水又西逕猗氏縣
故城北又西逕郇城又西南逕解縣故城南又西
南逕瑕城又西南逕張陽城東又西南屬於陂元
和志涑水經猗氏縣南六里臨晉縣東二十三里
猗氏縣志涑水舊經解州北三婁里明弘治十六
年恐南決害鹽池自猗氏開河八十里稍引而北
雷水 在永濟縣南四十五里雷首山下一名雷澤
相傳即舜所漁處其水南流入河水經注水

出雷首山西南流亦曰雷水 按雷澤本在定
陶好事者因水有雷名強為牽合附辨于此 蓼

水

在永濟縣南五十里即古之共水山海經甘棗
之山共水出馬水經注蓼水出襄山蓼谷西南

流注於河寰宇記蓼水今名百丈澗源出永樂縣
北中條山 按舊志有臨泉澗在州南五十里胡

營村南入於河

媯汭水

在永濟縣南六十里源出
歷山西流入河尚書堯典

疑即蓼水也

釐降二女於媯汭皇甫謐帝王世紀媯水在虞城
歷山西水經注歷山媯汭二水出馬南曰媯水北

曰汭水西逕歷山下孔安國曰居媯水之內王肅

曰媯汭虞地名皇甫謐曰納二女於媯水之內馬

季長曰水所出曰汭元和志媯汭水源出河東縣

南雷首山 按媯汭水異源同歸本為一水如洛

汭渭汭不可強分也 漢水 在臨晉縣西爾雅郭璞

安國所訓于義為允 漢水 注河東汾陰縣有水口

如車輪許瀆沸湧出其深無限名之曰漢水經注
漢水出汾陰縣南四十里西去河三里平地開源
瀆泉上湧俗呼為漢魁土人壅以為陂種稻東西
二百步南北一百餘步與郃陽漢水夾河河中渚
上又有一漢相潛通西南流經蒲坂西入汾水在
河寰宇記漢水源出臨晉縣西三十八里
河縣北水經注汾水自皮氏西經汾陰縣北又西
注於河漢武帝於水得寶鼎改其年曰元鼎即此
處元和志汾水北去寶鼎縣二十五里寰宇記汾
水自龍門縣界東際汾陰隄去縣三十五里舊志
汾河舊自榮河縣北后土祠旁西流於黃
河明隆慶中移河津縣葫蘆灘南入河
在永濟縣東南三十里分屬臨晉縣虞鄉縣界即
古張陽池東西二陂也水經注涑水又西南屬於
陂陂分為二東陂世謂之晉興澤東西二十五里
南北八里西陂即張陽澤西北去蒲坂十五里東

西二十里南北四五里冬夏積水亦時有盈
耗縣志亦曰五姓灘灘旁有五姓村因名雞心

灘

在永濟縣西南黃河中與陝西之朝邑華陰接
界秦晉之民雜耕其間本朝乾隆十四年丈

量分給屬永濟者一百三十六頃
四十六畝築牆為界收稅課馬

姚暹渠

在虞鄉縣北十

里自解州西流至縣界入五姓湖即古永豐渠也
北魏正始二年都水校尉元清所開隋大業中都
水使者姚暹重開之決堰濬渠民賴其利故名舊
時漫溢山莊不由故道本朝雍正九年引流歸

湖乾隆十八年大加濬治縣境曾家營
土橋牌首諸村皆渠所經並疏深之

永樂澗

在

濟縣東南又名渠豬水山海經渠豬山渠豬水出
馬南流注於河水經注永樂澗水出於薄山南流
逕河北縣故城西又南入於河元和志永樂澗水
源出中條山經永樂縣東二里又南入於河府志

一名寒谷澗 按舊志有玉泉澗在蒲州東南一

百二十里源出中條山玉洞泉南至永樂鎮引以

溉田餘流入河 東澗 在萬泉縣東門外源出孤山

疑即永樂澗也 北壑隨地涌泉引渠灌溉為

利東北流入絳州稷山縣界入汾又 貽溪 在虞鄉

西澗在縣西門外北流三里入沙澗 縣東南

王官谷內唐司空圖所名又有石笋溪在中條

山北麓下唐盧綸有奉陪渾侍中遊石笋溪詩 泓

龍潭

在永濟縣東四十里東北流入姚暹渠上有

有玉龍潭又水潭谷

在縣東南二十五里 黑龍潭 在猗氏縣西南二十

里廣半畝深丈許早

禱輒 大凹西溝 在永濟縣東南六十里歷山舜祠

之側又大陽溝在縣南七十里相

應 近有澗口溝 鴉兒溝 在永濟縣東北峨嶺嶺兩崖

與大陽溝通 多穴寒鴉土人因以名溝又

柳溝在縣東南十五里通濟溝在縣

廣孝泉

在永濟縣

南十里老陳溝在縣東南三十里

東南二里舊名舜井東西相去四百餘步泉脈相通城中井水皆鹹此水獨甘釀酒尤佳宋大中祥符四年駕如汾陰賜名廣孝泉命王欽若撰碑文歲久碑泐明時勒碑重書

蒼陵泉

在永

濟縣東南十五里中條山陰之中麓又大谷口泉

在縣東二十里中條山陰之東麓又大黃泉在北麓

條山之

桑泉

在臨晉縣東北七里桑泉故城北汲之不枯決之不流既湮復出

洗

馬泉

在虞鄉縣東二里見寰宇記

鴛漿泉

在虞鄉縣南山海經高泉之山其上有水

甚寒而清名帝臺之漿郭璞注解縣南壇道山有水潛出俾而不流者是水經注鹽道山清泉灌頂

郭景純云世所謂鴛漿也發於上而潛於下水

泉北流五里而伏縣志在縣南十二里方山頂

瀑

布泉

在虞鄉縣東南自中條山天柱峯東懸流百尺而下出王官谷入河

文波泉

在猗

氏縣治東北隅仁壽寺右

雙壁泉

在猗氏縣西北五里靈巖寺後

流逕城東繞縣南入涑水

明萬歷間二泉湧

出南流五十餘步

暖

泉

在萬泉縣南孤山之陰數穴涌出隆冬不凍明萬歷中鷄石名和豐泉相近又有半截桶泉其

形如涌水

聖水泉

在萬泉縣南孤山之陽又有雕石泉在南山雕山崖下南流與

止不流

聖水
泉合漢魁泉

在滎河縣東南趙村明嘉靖中始掘得之又縣界凡有四泉一在縣南屈

村一在縣北辛莊村一在縣北

義井

在永濟縣東

孫石村一在王信村皆可溉田

州蔣
容鑿穆公井

在萬泉縣城內明嘉靖七年巡按御史穆伯寅鑿舊志縣名萬泉其實水

少縣境止有數井民用不給半取澗水或儲雨雪以供用少旱則遠汲他處動踰一二十里且井深百丈淺者八九十丈傳稱土厚水深惟縣境為最

古蹟蒲坂故城

在府西東南帝王世紀舜都蒲坂史記秦本紀昭襄王四年取魏蒲坂五

年復予魏蒲坂漢書地理志河東郡蒲反縣本蒲縣應劭注秦始皇東巡見長坂故加反云崔鴻十六國春秋符堅建元七年改置雍州治蒲坂隋書地理志河東郡河東縣舊曰蒲坂縣開皇十六年析置河東縣大業初併蒲坂入馬括地志蒲坂故城在蒲州河東縣東南二里元和志蒲州城即蒲坂城也隋開皇時移蒲坂縣於城東於今理別置河東縣大業二年省蒲坂入之寰宇記河東縣有蒲坂故城郡國記云州南二里有蒲坂城舊地理書相傳云漢蒲坂城今郡所理大城即後人增築

大河在其西雷首山在其南後魏太武帝神麌元年自安邑移郡此城舊志今蒲州城外東南隅有

虞都故城與州城相連周九

里一百三十步即故蒲坂城

永樂故城 在永濟縣東南隋書

地理志河東郡為城縣後周置永樂郡後省入焉

元和志永樂縣北至河中府九十里本漢河北縣

地周明帝改河北縣為永樂縣武帝省永樂縣以

地屬為城縣武帝二年分為城於縣東北二里永

固堡重置永樂縣屬為州七年移於今理宋史地

理志河中府河東縣熙寧六年省永樂縣為鎮入

馬金史地理志河中府河東縣有永樂鎮舊志永

樂城在永濟縣東一百二十里後周置永樂郡後

省按元和志寰宇記皆云後周置

解縣故城

在

永樂縣不云置郡蓋隋志郡字誤也

晉縣西南五姓湖北左傳僖公十五年晉侯賂秦

伯以河外列城五內及解梁城杜預注今河東解

縣戰國策報王二十一年秦敗魏師于解水經注
涑水經解縣故城南後漢書注解縣故城在今蒲
州桑泉縣東南元和志故解城本春秋時解梁城
又為漢解縣城也在臨晉縣東南十八里寰宇記
漢解縣後魏改為北解縣後周省按魏書地形
志以為漢解縣改為南解縣與寰宇記異今考水
經注涑水經解縣故城南南解今虞鄉縣涑水在
其北北解今臨晉縣涑水在其南故從漢書之注
及元和志寰宇記況魏書地形志南解有桑泉城
在今臨晉縣其地在北北解有張揚城在今虞鄉
縣其地在南則今本魏志南北

桑泉故城

在臨晉縣東北

二字必傳寫舛訛而互易也

左傳僖公二十四年晉公子濟河入桑泉杜預注
在河東解縣西後漢書郡國志河東郡解縣有桑
泉城劉昭注在解縣西二十里元和志隋開皇十
六年分猗氏縣于今臨晉縣理置桑泉縣因縣東

桑泉故城以為名也故桑泉城在縣東十三里縣志桑泉城今亭東村南小蓋原是其處其下為泉之

南解故城

在虞鄉縣西魏書地形志河東郡南解縣寰宇記後魏太和十一

年於今虞鄉縣西十三里

置南解縣周明帝廢

綏化故城

在虞鄉縣西北接臨晉縣界今

名綏化鄉古城村寰宇記綏化故城後魏綏化郡及綏化縣所理也在虞鄉縣西北三十里周廢

虞鄉故城

即今虞鄉縣治元和志虞鄉縣西至河中府七十里本漢解縣地後魏孝文帝

改置南解縣周明帝武成二年廢南解縣別置綏化縣武帝改綏化為虞鄉隋大業九年自綏化故城移虞鄉於廢解縣理舊唐書地理志隋虞鄉縣武德元年改為解縣蒲州別置虞鄉縣元史地理志至元三年省虞鄉入臨晉舊志虞鄉縣今為虞鄉鎮按寰宇記後周末於解縣西五十里別置

虞鄉縣即今治不知省於何時仍移綏化故城唐

所置縣當即周末之治今所置縣亦即唐時縣治

也

猗氏故城

在今猗氏縣南孔叢子猗頓魯之窮士陶朱公教之適西河大畜牛羊於

猗氏之南十年贊擬王公以富興於猗氏故曰猗

頓漢置猗氏縣高帝封功臣陳遼為侯邑水經注

涑水又西逕猗氏縣故城北縣南對澤即猗頓之

故居元和志猗氏縣西南至河中府一百一十里

本漢舊縣西魏恭帝二年改猗氏為桑泉縣周明

帝復改桑泉為猗氏縣寰宇記猗氏縣古郟國之

地漢舊縣在今縣南二十里猗氏故城是也按

水經注有猗氏故城晉魏之末已自移置惟寰宇

記曰故城在縣南

二十里與郟注合

萬泉故城

在今萬泉縣南百步許元和志萬泉縣東

北至絳州一百二十里本漢汾陰縣地屬河東郡

又薛通城者後魏道武天賜元年赫連勃勃侵河

外時有縣人薛通率宗族千餘家西去漢汾陰縣城八十里築城自固因名之武德三年於薛通故城置萬泉縣縣東谷中有井泉百餘區因名萬泉唐書地理志河中府萬泉縣武德三年析稷山安邑猗氏汾陰龍門置元史地理志至元三年省萬泉入猗氏十五年復置萬泉縣縣志元至正十四年縣人皇甫祐等以戶滿數千復請為縣改築新城舊址遂廢

汾陰故城 在榮河縣北戰國魏地漢置縣史記秦本紀惠文君九年渡河取魏汾陰又高祖功臣侯表汾陰悼侯周昌高祖六年正月封後漢書郡國志河東郡領汾陰縣魏土地紀河東郡北八十里有汾陰城北去汾水三里括地志汾陰故城在蒲州汾陰北九里俗名殷湯城寰宇記寶鼎縣北去蒲州一百十里漢為汾陰縣汾水南流過縣故曰汾陰今縣北九里汾陰故城是也後漢至晉不改劉元海省汾陰入蒲坂縣

後魏太和十一年復置汾陰縣於后土城後周武帝又移於殷湯故城按劉昭後漢志注引唐蒙

博物記以汾陰為夏少康綸邑今綸邑見河南虞城縣溫泉廢縣在臨晉縣界唐武德三年

析置屬蒲州九年越城在府城北門外周一百三十步西魏大統九年宇文泰築

以防越渡故名又基城在涑水城在永濟縣東襄縣南八十里今名基城里宇記在河東縣

東北二堯城在永濟縣南水經注堯山上有故城十六里世曰堯城元和志在河東縣南二十

八里羈馬城在永濟縣南左傳文公十二年秦伯伐晉取羈馬寰宇記羈馬故城在河東縣

城南三十六里郡國陶城在永濟縣北水經注陶志云今謂之涉邱城在蒲坂縣北元和志

在河東縣北四十里通鑑唐貞元元年馬燧軍寶鼎敗李懷光於陶城寰宇記故陶城在河東縣北

三十里史謂舜陶於河濱即此皇甫謐以為在定陶不在此舊志今為陶邑鄉瑕城在臨

後漢書郡國志解縣有瑕城水經注涑川又西南

瑕城京相璠曰今河東解縣西南五里有故瑕城按顧炎武日知錄左傳有二瑕其一見成公六年諸大夫皆曰必居劬瑕在今臨晉縣境其一

見僖公三十年燭之武謂秦伯曰許君焦瑕在今閿鄉縣鄆道元以郇瑕之瑕為即詹嘉處瑕之瑕

誤段雄城在臨晉縣東北二十里接峨嶺坡陽晉城在虞鄉縣西火記魏世家

哀王十六年秦拔我陽晉正義云陽晉當作晉陽括地志晉陽故城今名晉城在蒲州虞鄉縣西三

十五里胡三省通鑑注晉陽史記作陽晉其地當在蒲坂之東風陵之西大河之陽且本晉地故謂

之陽智城在虞鄉縣西後漢書郡國志河東郡解縣劉昭注有智邑括地志智城在虞鄉

縣西北四十

王官城

在虞鄉縣南近王官谷左傳

里智伯所居

文公三年秦師濟河取王官

及郊又成公十三年呂相絕秦曰俘我王官元和

志在虞鄉縣南二里 按水經注王官城在今聞

喜縣元和志則聞喜虞鄉

東張城

在虞鄉縣西北

俱有王官城兩存之

史記曹相國世

家高祖二年參東攻魏將孫邀軍東張大破之水

經注涑水又西南逕張陽城東漢書之所謂東張

矣魏書地形志北解有張陽城括地志張陽

令狐

故城一名東張城在虞鄉縣西北四十里

城

在猗氏縣西左傳文公七年晉敗秦師于令狐

至于剗首杜預注令狐在河東與剗首相接水

經注闕駟曰令狐即猗氏剗首在西三十里括地

志今狐城在猗氏縣西十五里縣志今名令狐村

晉時於此置戍亦曰令狐戍又臨

郇城

在猗氏縣

晉縣東北十五里亦有令狐村

郇城

在猗氏縣

國詩曹風邠伯勞之左傳富辰曰畢原鄴邠文之昭也又僖公二十四年孤堰及秦晉之大夫盟于

邠城公六年晉諸大夫皆曰邠瑕氏之地沃饒而

近鹽杜預注河東解縣西北有邠城水經注涑水

又西逕邠城蓋故國也服虔曰邠國在解縣東邠

瑕氏之墟今解城東北二十四里有故城在猗氏

故城西北俗名邠城括地志邠城在猗氏縣西

南四里縣志城高二丈許四垣八門遺址宛然

土城在萬泉縣北一里北鄉城在滎河縣北門外

許相傳後魏所置北鄉城魏書地形志北鄉

郡汾陰縣有北鄉城寰宇記古北鄉城在寶

鼎縣北三十一步汾陰北鄉城即採桑津也董邑

在滎河縣東左傳文公六年晉改蒐于董杜預注

河東汾陰縣有董亭按左傳蒐于董鄴道元以

為在聞喜縣對澤在猗氏縣南二十里猗頓居大

董澤與此異牧處也今其地為王寮村

寧宮

在榮河縣城內東北隅宋史真宗紀大中祥符四年二月次寶鼎祀后土地祇作大寧宮

縣志宮在蕭牆北內有穆清殿真宗祀回大宴羣臣於上又有延慶亭為致齋之所歲久悉廢萬

歲宮

在榮河縣北漢書宣帝紀神爵元年幸萬歲宮神爵翔集三輔黃圖汾陰有萬歲宮武帝

祀后土時作水經注漢宣帝幸萬歲宮東濟薰風大河而神魚舞寰宇記在寶鼎縣北九里

樓

在府治後唐廣明中王重榮建舊名克復樓宋真宗祀后土幸蒲嘗登此樓以舜故都史今名

命陳堯叟為記鶴鵲樓在府城西南城上沈括夢溪筆談

瞰大河唐王之煥詩能狀其景舊志樓舊在郡城西南黃河中高阜處時有鶴鵲樓其上遂名後為河流

衝沒即城角樓為扁以存其蹟按唐盧綸有崑九日宴白樓詩或言白樓即鶴雀也存以俟攷崑

崙臺

在萬泉縣南孤上相傳漢光武登此以祀風伯雨師

瑞雲亭

在府城南中條

山上

宋建觀河亭

在府城西門外黃河岸唐建今廢

秋風亭

在榮河縣西北石土

廟後昔有漢武帝秋風辭石刻後廢復建層樓於大殿前石刻秋風辭署額曰秋風樓

安民

堂

在府治內宋錢晦知河中府仁宗御書飛白安民二字賜之至和二年建為堂元祐中重建

遺像堂

在虞鄉縣東南十里王官谷內宋至和中和河中府錢晦命虞鄉令樂沉即谷內構

堂設司空圖像祀之

二妃壇

在府治東南元和志蒲坂城外有舜宅及二妃壇

雕丘

在榮河縣城北史記封禪書武帝立后土祠汾陰雕丘如淳曰河之東岸特堆堀起長四五里廣二里餘高十餘丈汾陰縣在雕之上汾在屯之北索隱曰漢書舊儀作葵上者蓋河東人呼雕與葵同

故耳水經注汾水南有長阜背汾帶河漢書謂之

汾陰睢應劭曰睢邱類也縣志睢邱有坤元殿洗

妝樓碑亭廊室制度 邱 在萬泉縣東北介山之

宏偉今半圯於河 鄧邱 北水經注汾水西徑鄧

邱北故漢之方澤也賈逵云漢法三年祭地汾 鳴

陰方澤澤中有方邱故謂之方澤邱即鄧邱也

珂里 在猗氏縣城內唐 樂安莊 在府城北宋薛侏

仕歸築室於此因其封郡為 杜如晦故里 在猗氏

名有南北二園范純仁記 縣南十

里今名杜村 按如晦京兆杜陵人 鐵牛 在府治

故里不應在此縣志相傳未知何據 西寰宇

記唐開元十二年於河東縣開東西門各造鐵牛

四鐵人四其牛下竝鐵柱連腹入地尺餘至今存

又榮河縣有鐵人四

宋大中祥符時鑄

關隘風陵關

在永濟縣南唐書地理志河東縣有風陵關聖歷元年置元和志一名風陵津

在河東縣南五十里魏太祖西征韓遂自潼關北

渡即其處舊志在縣南六十五里黃河北岸明洪

武八年置蒲津關在永濟縣西黃河西岸一名臨

巡司今廢晉關一名河關跨陝西地史記

曹相國世家以中尉從漢王出臨晉關又淮陰侯

列傳魏王豹歸絕河關索隱曰今蒲津關水經

注陶城南對蒲津關元和志在河東縣西四里通

鑑宋大中祥符四年改蒲津關為大慶關舊志又

名蒲坂津後漢建安十六年曹操西擊馬超夾潼

關而軍操潛遣徐晃等夜渡蒲坂津據河西為營

大破超軍後魏永熙三年魏主入長安高歡追之

屯河東築城於蒲津西岸後周建德五年圍齊晉

州分遣辛韶等守蒲津關唐明皇早渡蒲津關有

詩所謂地險關逾壯是也宋建炎初金人窺關中

濟自蒲津元致和元年陝西行臺額森特穆爾從

大慶關渡河入河中府明初徐達平關中亦自蒲

津濟誠山陝之要隘也 額森 兩谷關 在永濟縣

特穆爾舊作也先帖木兒今改 東南十五

里中條山陰 穆陵關 在榮河縣北十三里兩壁對

之東西麓也 立中間一線為南北孔道亦

榮河之咽喉也 吳王寨 在臨晉縣西三十里黃河

元將韓通守此 東岸明洪武四年置巡司

後裁 本朝雍正八年復置九 趙伊鎮 在永濟縣

年議移駐縣西十五里角孟村 東三十里

趙伊村明成化 在永濟縣南王存九域志

末更名東豐鎮 河東縣有灣谷谷河永樂

三鎮金史地理志作匿河鎮 在永濟縣東

舊志在縣南五十里諱郭村 考棧鎮 北三十里又

東張鎮在縣東北 樊橋鎮 在臨晉縣東南十五里

五十里皆有堡 舊置驛又七及鎮在縣

西南二十五里 **故市鎮** 在虞鄉縣東十里又坑 **張岳鎮** 在

氏縣東二十里又杜村鎮在縣南十里 **解店鎮** 在萬

里下任鎮在縣西二十里皆有堡 **胡壁鎮** 在榮河縣東三

門二鎮本朝康熙初建 **胡壁鎮** 十里與萬泉縣

接界唐書地理志河中府有曰胡壁五代史李

嗣昭敗梁軍於胡壁九域志榮河縣有北鄉胡壁

保大 **孫吉鎮** 在榮河縣東南二十里又薛稽鎮在

三鎮 **樂李山寨** 在府城西南金史侯小叔傳石天應取

寨夜半攻城以登 **齊王寨** 在臨晉縣西北十里齊王村 **楊**

家寨 在虞鄉縣西南五里中條山石 **秦王寨** 在萬

佛寺相傳宋楊業子孫屯兵處

東三里許俗傳唐太宗取薛萬徹於此又文

武壁

寨

在榮河縣西舊名薛壁縣志自縣南自蒲州北

趙村薛成薛壁連柏西蒼禹門俱元至正末築以

薛壁居中可制諸營移中軍其上更名武壁周一

孟盟堡

在永濟縣東十里又

北開一門遺址猶存

縣東蒼陵堡在縣東南十五里大澗堡下陽堡俱在

神羗堡

在猗氏縣東北十五里

俱在縣東北諸堡俱明嘉靖中置

思野堡

在榮河縣東又番底堡

定河東屯兵於此

河東驛

在永濟縣東關舊在城北一里白道坡

北縣上有高密侯廟

上後徙於縣南永豐廂今移此東至樊

橋驛七十里南至潼關驛七十里西

樊橋驛

在臨晉縣

至潼關驛九十里舊有驛丞今裁

東關舊在東南十五里

樊橋鎮有驛丞今裁

津梁蒲津橋

在永濟縣西門外史記秦本紀昭襄王五十年初作河橋正義曰此橋在同州

臨津縣東渡河至蒲州今蒲津橋也唐書地理志

河西縣蒲津關開元十二年鑄八牛牛有一人策

之牛下鉉鐵為山夾岸以維浮梁元和志蒲津關

今造船為梁其置甚盛每歲徵竹索價謂之橋脚

錢數至二萬亦關河之巨防馬宋史薛顏傳顏為

陝西轉運使河中浮橋歲為水所敗顏即北岸醜

土流為支渠以殺水怒因取渠水溉其旁田又張

燾傳燾為陝西都轉運使蒲津浮橋壞鐵牛皆沒

水中燾列巨木於岸以為衡繼石其杪挽出之橋

復其初王應麟地理通釋唐六典曰造船之梁西

河三洛一河則蒲津大陽盟津洛則孝義文獻通考河中府河東蒲津關後魏大統四年造浮橋

孟盟橋

在永濟縣東十里跨涑水秦將孟明伐晉濟河焚舟盟河必克故以名橋觀底

橋

在臨晉縣東南二十里通志在奉仙宮東通衢舊志極工巧後為水廢明萬歷中移建城

子埭橋

在臨晉縣南三十里通運城鹽車官路涑水橋在虞鄉縣東北四十里坑

頭鎮舊為土橋明洪武中易以石相近又有白坊橋跨涑水上廣惠橋在猗氏縣東門外橋

二俱明萬歷間軌修涑河橋在猗氏縣東南十里涑水上西

容二軌有碑記又香落永利橋在萬泉縣西門外橋在縣西南十五里唐時建明天啓間

重建改名永樂渡在永濟縣東南一百二十里黃三賢橋河北岸路通河南閿鄉縣

風陵渡

在永濟縣南六十里風陵關下黃河北岸通志明洪武八年設巡檢司屬潼關衛本朝

屬潼關縣雍正七年令駐劄渡口

蒲津渡

在永濟縣西門

外蒲津

關下 吳王渡

在臨晉縣西三十里黃河東岸通志昔有吳王二姓居此故名上有

吳王寨即韓信渡河襲魏

白馬渡

在滎河縣南十里元時設又汾

豹處又南為甲馬營渡

陰渡在縣北后土祠前金人

新口渡

在滎河縣北十里廟前鎮

西

堤堰古護堰

在永濟縣西南外舊蒲州志北起古官道南抵河濱廟衰四百餘步明石築以

防河決萬歷八年重修有王崇古碑記又五

龍橫渠連城三堰並在縣東北明建今廢

陵墓古風后陵

在永濟縣南六十里風陵堆下戴延之西征記女媧風姓風陵當是女媧

之墓九域志女媧墓在今潼關口河灘上屹然介河有木數株雖暴漲不漂沒按曹學佺名勝志

風后皇帝時臣歿葬此又通志風后相傳解州人今解州東南十里有廟而明時祀禍皇在今趙州

今姑兩存其說
二妃陵
在永濟縣東南蒼陵谷寰宇記帝舜二妃之陵也在河東縣十里府

志蒲坂城外有二妃壇祀娥皇女英處今名娥英陵
殷湯陵
在滎河縣北元和志在寶鼎縣

北四十三里文獻通考殷湯葬汾陰太祖乾德四年詔給守陵五戶平陽府志元癸未歲淪於汾河

以石柩遷葬馬明初建寢殿於陵東按古之言湯陵者凡三皇覽謂在濟陰亳縣括地志謂在薄

城又云在洛州偃師縣皆以湯所常都處言之隋文帝始祀湯于汾陰唐去汾陰而祀偃師宋還于

汾陰立祠廟後
遂為故事云

伯夷叔齊墓

在永濟縣南水經注
雷首山南有古冢陵

柏蔚然俗謂之夷齊墓元和志伯夷墓在河東縣

南三十五里雷首山南貞觀十一年詔致祭禁樵

蘇通志在縣南四十五里二冢對峙前為祠宇設

像以祀按孤竹國在直隸永平府孤竹三塚已

經載入新志此地復有伯夷叔齊墓永經注云

俗之夷齊墓蓋已不能無疑姑依舊志存之周

伯樂墓

在永濟縣南冢宇記在河東縣南四十里
又濟陰定陶及雍州俱有伯樂冢未詳孰

是

漢陳平墓

在猗氏縣西
北十五里

翟方進墓

在猗氏縣西
唐長孫修漢

故丞相翟方進墓碑公本汝南上蔡人歸葬本郡

伯東郡之敗子孫西遷改葬於此代為河東猗氏

人通志墓在猗氏縣西翟村本

桓榮墓

在永濟
縣南四

朝順治十六年大水後碑始出



十五里首陽山漢書本傳崇字春卿沛郡龍亢人

累封關內侯崇卒帝變服臨喪送塋賜冢塋於首

山之陽按崇賜塋處在偃師西北非董永墓在

此首陽也蓋以山名偶同而誤引耳

泉縣東三十里上唐裴寂墓在臨晉縣元和志故

孝村有碑今剝落司空魏國公裴寂墓

在臨晉縣東北十七里寰宇記墓碑即秘書虞世

南之文率更令歐陽詢書通志墓碑因榻取不息

土人瘞之開竇初詔張嘉貞墓在猗氏縣城外西

守冢兩戶禁樵採

弘靖二墓趙良弼墓在虞鄉縣西南五老原西北

亦在此趙良弼墓之元俊岡顏真卿撰碑按

通志良弼為嶺南浙東兩道節度使其薛平墓在

祖父兄弟冢皆在五老原多人碑記

泉縣西南北薛村有碑記又縣界烏司空圖墓在

蘇村有薛尚書墓碑文剝落不可辨

鄉縣東南
王官谷下

金龐整墓

在永濟縣南六十里
有敕賜孝行碑記

明何東

序墓

在猗氏縣西十
里陳苑屯東

本朝卽嗣堯墓

在猗氏縣
北五里

祠廟后土祠

在榮河縣北漢書郊祀志武帝時立后
土祠於汾陰睢土間歲至河東祠后土

成帝初徙置長安後復汾陰元和志在寶鼎縣西
北十一里寰宇記在漢汾陰故城西北二里唐開
元十年親祀兼建碑及御製文竝書文獻通考唐
開元十二年祀后土於汾陰睢上太史秦榮光出
河休氣四塞獲古銅鼎二古甑長九寸有篆書字
又有赤兔見於壇側宋大中祥符四年祀后土地
祇以太祖太宗竝配悉如封禪禮詔睢上后土廟
為太寧正殿通志金章宗元世祖皆遣官致祭明

永樂十三年重修縣志古后土祠為河浸圯新汾陰祠在廟前村北 本朝康熙二年因舊祠重建

河瀆神廟

在永濟縣南門外唐書地理志河中府河西縣開元十五年自朝邑徙河瀆祠

於此寰宇記河瀆廟在河西縣正西北城外一里文獻通考宋乾德六年有司請祭西海河瀆竝於

河中府大中祥符四年親謁奠河瀆廟元李好文廟記西海荒遠望祀於河東之河中與河瀆為二

廟合為一都宮舊志唐郭子儀建肅宗時封靈源公宋仁宗封顯聖靈源王元至正中加封靈源神

祐弘濟王明洪武初改稱大河之神 本朝載之祀典累遣官致祭

聖

祖

仁皇帝特頒御書砥柱河津函額雍 西海神廟 在永濟縣

正三年加封西瀆潤毓大河之神 南門外河瀆廟西唐天寶中封廣潤王宋加封通聖廣潤王元至元中敕建廟加封廣潤靈通王明

聖

祖仁皇帝特

頒

御書源遠流長匾額

舜祠

在永樂

洪武初稱西海之神 本朝載之祀典累遷官致祭

雍正三年加封西海正恒龍王之神

孝文紀太和二十一年行幸蒲坂遣祭虞舜修堯

舜夏禹廟水經注今蒲坂城中有舜廟元和志在

蒲州理城中唐貞觀十一年詔致祭以時灑掃丈

獻通考舜廟周宇文護所造通志在蒲州東門外

宋太祖乾德元年詔河中府舜廟以臯陶配真宗

大中祥符四年幸河中謁舜廟命修飾牆垣親作

贊紀之復建廟於舜泉側

本朝順治十七年復修禹廟 有二一在永濟縣

元世祖中統三年修河中禹廟賜湯廟 有二一在

名建極宮一在萬泉縣南三里

十里故市鎮一在滎河縣東北十里以伊尹仲

虺配亭宋開寶六年敕修 本朝屢遣官致祭 后

稷廟

在萬泉縣西金崇慶
初明正德中祈雨皆應

方山祠

在虞鄉縣西二
十里見寰宇記

五老仙人祠

在虞鄉縣西十
七里見元和志

夷齊廟

在永濟縣南
首陽山魏

書宣武紀正始元年詔立夷齊廟於首陽山寰宇
記伯夷叔齊祠在河東縣北三十里明張四維記
其廟貌所肇宋黃庭堅元王惲咸謂起自唐代而
郡志云自晉太康考後魏鄴道元注水經已稱雷
首山有夷齊廟及漢蔡邕所撰夷齊碑記內述其
事原於平陽蘇騰漢人固已祠之不獨唐晉也

郇伯廟

在猗氏縣治東
北舊射圃地

晉文公廟

有二一在臨晉
縣北三十里舊

說文公西拒秦兵駐此後因
立廟一在猗氏縣張岳鎮
介之推祠 在萬泉縣
南一里介
山上水經注介山上有神廟廟
側有靈泉祭之日用而不耗
段干木祠 在永濟
縣南南

唐時建有元河漕轉運使段禧記

馬燧祠

有二一在臨晉縣西門外樊橋鎮通志云唐貞

元間北平王馬燧討李懷光駐節於此一在猗氏縣北門內額曰莊武王廟唐敕建本朝康熙中

重修

寺觀開元寺

在永濟縣東關內宋真宗大中祥符四年祀后土幸開元寺明洪武初併廣慧

普濟淨業善慶

普救寺

在永濟縣東五里唐釋道積修建十年乃成本名西

湖北五寺入馬永清院五代時改今名高爽華博東臨州理南望

河山像設三層巖廊四合明初併廣儀旌勛藏海

乾明四

棲巖寺

在永濟縣東二十五里中條山北後周建德中建初名靈居隋仁壽

寺入馬初改今額明洪武初併白塔寺入馬

景福寺

在永濟縣

寺有望川亭宋宣和中建西望秦川

南二十里有明神宗御書額 **萬固寺** 在永濟縣東南十五里中條山麓唐大中間建初名

建元後改今額明洪武中併白石讚歎竹溪雲蓋淨土五寺入馬又護國寺在縣北三十里弘

法寺 在臨晉縣東 **聖壽寺** 在臨晉縣西北五里一南二十里名西閭聖壽寺又縣西

北二十五里有聖壽寺 **石佛寺** 在虞鄉縣西南三里即古百梯寺內有唐虞鄉令劉行忠

幡竿銘石又延祚寺在縣西北十里唐建宋太平興國二年敕修 **靈峰寺** 在虞鄉

十里方山上唐 **仁壽寺** 在猗氏縣東北二里峨嶺南麓隋唐間榜曰白禪後

改大雲宋熙寧中賜額壽聖元至正間改今名明洪武初併弘福千佛廣福壽聖聖安慈氏寶泉七

寺入馬又東北有妙 **法雲寺** 在萬泉縣南十里通志寺在介山絕頂宏

道寺今名雁塔寺

麗精巧甲於一方元泰定元年建

法藏寺

在萬泉縣東南

馮底村唐尉遲敬德監修又正覺

下生寺

在萬泉縣有二

一在四望村金天興初建寺有光武祠祠前有龍

栢相傳漢光武嘗繫馬於此一在北解村元延祐

建中八龍寺

在滎河縣東十五里李莊宋建

大覺寺

在滎河縣北三十里唐垂拱初

建藥師院在臨晉縣東北甘泉坊唐天寶建

純陽宮在蒲州東南永樂鎮今為純陽宮通志唐為呂公祠又為觀元中統三年

重建改為宮後併法逸玉泉棲霞長春通元峽石六觀入馬殿為有古栢及連理銀杏樹數人合抱

侍為呂公手植又有寥陽慶雲觀有二一在府城

定初建後併道靖祐聖遠塵復真摩雲五觀
棲霞

入馬一在滎河縣北四十里元至大初建
觀 在永濟縣通志唐天寶初為通元先生
張果敕建今城東五老峯有張果洞

通元觀

在永濟縣南六十里九峯山下有明萬
歷二十七年賜道藏一部初一道並存
通真觀 在

晉縣城內東南
隅元泰定中建丹陽觀 在虞鄉縣東南十里王官
谷內即唐司空圖隱處金

大定
初建靈峰觀 在虞鄉縣西南十里五老山靈峰下
本名無相隋開皇中更名遊仙唐貞

觀中又名大明貞元中羅
通微修煉於此詔改今名道清觀 在虞鄉縣西南
十五里方山下

通志候慙子昇仙處觀旁有硃沙洞以大
石覆壓洞口石色皆赤內有井水恒滿
太清觀

有二一在猗氏縣東南二十里金大定中建明洪
武初併天寧萬壽清真三觀入馬一在萬泉縣西

門丙元延
祐中建

欽定大清一統志卷一百一